

CONSTITVTIONES

ET DECRETA CONDITA
IN PROVINCIALI SYNODO
CONSENTINA

*sub Reuerendiſſ. Domino D. FANTINO Petri-
gnano Dei & Apoſtolica ſedis gratia
Archiepiſcopo Conſentina*

Anno Domini M D LXXIX.



ROMÆ Apud Franciſcum Zanettum
M D LXXX.

CVM LICENTIA SUPERIORVM.






CONSTITVTIONES

ET DECRETA CONDITA
IN PROVINCIALI SYNODO
CONSENTINA


*Sub Reuerendiſſ. Domino D. FANTINO Petri-
gnano Dei & Apoſtolica ſedis gratia
Archiepiſcopo Conſentia*

Anno Domini M D LXXIX.

*Seſſio prima celebrata die decima
menſis Maij.*

 OS Fantinus Petrignanus Dei & Apo-
ſtolica Sedis gratia Archiepiſcopus Con-
ſentia de Reuerendiſſimorum DD.
Coepiſcoporum conſilio, & aſſenſu in prouinciali
Synodo noſtra Conſentia legitime congregata, hac
qua ſequuntur decernimus, & ordinamus.

De fidei orthodoxa profeſſione.

 NTER Omnes paſtoralis officiij ſolli-
citudines præcipua, quæ ad Catho-
licæ fidei integritatem pertinet ver-
ſari debet, vt quæ totius ſpiritualis
ædificij fundamentum eſt, inuiola-
ta permaneat, & omnes in eius pu-
ritate immobiles perſiſtant. Quare ab eiſdem fidei ne
A 2 gotio

gotio veluti omnium præstantissimo exordiendum duximus, eandem fidem iuxta formulam à fel. recor. Pio Papa Quarto traditam vnanimiter profitentes, quam hic inferius subiiciendam esse visum fuit.

Formula orthodoxa fidei professionis.

EGO N. firma fide credo & confiteor omnia, & singula, quæ continentur in Symbolo fidei, quo sancta Romana Ecclesia utitur, videlicet:

Credo in vnum Deum Patrem omnipotentem, factorem cæli, & terræ, visibilium omnium, & inuisibilium. Et in vnum Dominum Iesum Christum filium Dei vnigenitum. Et ex patre natum ante omnia sæcula. Deum de Deo, lumen de lumine, Deum verum de Deo vero. Genitum, nõ factum, consubstantialem patri: per quem omnia facta sunt. Qui propter nos homines, & propter nostram salutem descendit de cælis, & incarnatus est de Spiritu sancto ex Maria virgine: & homo factus est. Crucifixus etiam pro nobis: sub Pontio Pilato passus, & sepultus est. Et resurrexit tertia die, secundum scripturas. Et ascēdit in cælum: sedet ad dexteram patris. Et iterum venturus est cum gloria iudicare viuos, & mortuos: cuius regni non erit finis. Et in Spiritum sanctum Dominum, & viuificantem: qui ex patre, filioq. procedit. Qui cum patre, & filio simul adoratur, & conglorificatur: qui locutus est per Prophetas. Et vnā sanctā catholicā, & apostolicā Ecclesiam. Confiteor vnum Baptisma, in remissionem peccatorum. Et expecto resurrectionem mortuorum.

Et vi-

Et vitā venturi sæculi. Amen. Apostolicas, & ecclesiasticas traditiones, reliquasque eiusdem Ecclesię observationes, & constitutiones firmissime admitto, & amplector. Item sacram scripturā iuxta eum sensum, quem tenuit, & tenet sancta mater Ecclesia, cuius est iudicare de vero sensu, & interpretatione sacrarum scripturarum admitto: nec eam vnquā nisi iuxta vnanimem consensum Patrū accipiam, & interpretabor. Profiteor quoque septē esse vere, & proprie sacramenta nouę legis à Iesu Christo D. N. instituta, & ad salutē humani generis (licet non omnia singulis necessaria) videlicet, Baptismum, Confirmationem, Eucharistiā, Pœnitentiam, Extremam vñctionem, Ordinem, & Matrimonium: Illaque gratiam conferre, & ex his Baptismum, Confirmationem, & Ordinem sine sacrilegio, reiterari non posse. Receptos quoque, & approbatos Ecclesię Catholicę ritus in supradictorum omnium Sacramentorum solemnī administratione recipio, & admitto. Omnia & singula, quę de peccato originali & de Iustificatione in sacrosancta Tridentina synodo definita, & declarata fuerunt amplector, & recipio. Profiteor pariter in Missa offerri Deo verum, proprium, & propitiatorium sacrificiū pro viuis, & defunctis: atque in sanctissimo Eucharistię sacramento esse vere, realiter, & substantialiter corpus, & sanguinem, vnā cum anima, & diuinitate D. N. Iesu Christi, fieriq; conuersionem totius substantię panis in corpus, & totius substantię vini in sanguinem: quam conuersionem Catholica Ecclesia Transubstantiationē appellat. Fateor
etiam

etiam sub altera tantū specie totum atq; integrū Christum, verumq; sacramentum sumi. Constanter teneo Purgatorium esse, animasq; ibi detentas fidelium suffragijs iuuari. Similiter, & Sanctos vnā cum Christo regnantes, venerandos, atque inuocandos esse, eosq; orationes Deo pro nobis offerre, atq; eorum reliquias esse venerandas. Firmissime assero Imagines Christi, ac Deiparę semper Virginis, necnon aliorum Sanctorū, habendas, & retinendas esse, ac eis debitum honorem & venerationem impartiendam. Indulgentiarum etiā potestātē à Christo in Ecclesia relictam fuisse, illarūq; vsum Christiano populo maxime salutarem esse affirmo. Sanctam Catholicam, & Apostolicam Romanam Ecclesiam omnium Ecclesiarum matrem, & magistrā agnosco: Romanoq; Pontifici, beati Petri Apostolorū principis successori, ac Iesu Christi Vicario, veram obedientiam spondeo, ac iuro. Cętera item omnia à sacris Canonibus, & Oecumenicis Concilijs, ac præcipue à sacrosancta Tridentina synodo tradita, definita, & declarata indubitanter recipio, atque profiteor: simulq; contraria omnia, ac hæreses quascūq; ab Ecclesia damnatas, reiectas, & anathematizatas, ego pariter damno, reijcio, & anathematizo. Hanc veram catholicā fidem, extra quam nemo saluus esse potest, quam in præsentī sponte profiteor, & veraciter teneo, eandem integram, & inuiolatam vsq; ad extremum vitę spiritum constanter (Deo adiuvante) retinere, & confiteri, ac à meis subditis, vel illis quorum cura ad me in munere meo spectabit, teneri, doceri, & prædicari quantum in me
crit,

erit curaturum. Et ita spondeo, voueo, ac iuro. Sic me Deus adiuuet, & hæc sancta Dei Euangelia.

Eandem fidei professionem facere teneantur etiam omnes prouisi de beneficijs quibuscumq; curam animarum habentibus intra duos menses à die adeptæ professionis in manibus ipsius Episcopi, vel eo impedito coram generali eius Vicario, seu officiali: seq; in Romanæ Ecclesiæ obedientia permansuros spondeant, ac iurent. Prouisi autem de Canonicatibus, & dignitatibus in Ecclesijs Cathedralibus non solum coram Episcopo seu eius officiali, sed etiam in Capitulo idem facere teneantur. Alioquin prædicti omnes prouisi, vt supra, fructus non faciant suos, nec illis possessio suffragetur.

Idem quoq; seruent, qui imposterum ad doctores vel magistrales gradus promouebuntur in ipso promotionis actu. qui vero hætenus promoti sunt, & fidei professionem facere prout tenebantur ex bulla Pij Quarti omiserunt, pœnas in eadem bulla contentas incurrisse declarentur. Quæ bulla obseruetur etiam in omnibus publice vel priuatim, Theologiam, Canonicam, vel Ciuilem cêsuram, Medicinam, Philosophiã, Grammaticam, vel alias liberales artes profitentibus, & professuris sub pœnis ibidem contentis.

Professio vero fidei iuxta præscriptam formam semper fieri debeat, & in ea facienda præcipue obseruetur vt publice, & palam ab omnibus adhibitis testibus fiat, & coram Notario, qui eam in publicum instrumentum redigat, & in peculiarem librum ad eum tantum
vsum

vsus comparatum vnà cum profitentis subscriptione referat. Liber autem in Archiuio Episcopali erit diligenter ad perpetuam rei memoriam asseruandus.

De libris exhibendis.

CUM Hæreticorum libros ad fidelium mentes inficiendas plurimū nocere compertum sit: Propterea Episcopi Regulas Indicis de libris vetitis ex auctoritate fel. recor. Pij Papæ Quarti editas, ab omnibus seruari studeant, mandentq; Theologis, legum Doctoribus, Medicis, Ludi Magistris, alijsq; libros habentibus, vt librorum suorum notulā pariter ab eis subscriptam infra tempus statuendum, fideliter edant, præcipiantq; etiam omnibus, qui in eorum oppidis, & locis libros tam impressos, quàm manuscriptos introducūt, vt illos nisi prius recogniti, & approbati fuerint, nec retinere, alijsue legēdos tradere, aut modo aliquo alienare, aut commodare audeant sub pœnis iuxta Indicis præscriptum per ipsos incurrendis. Hæredes quoq; vel executores vltimarum voluntatum Indicem librorum à defunctis relictorum intra mensem post obitum Ordinarijs suis exhibere teneantur, & debeant, nec ipsis vti, aut illos, nisi eorum indicē attulerint, vendere, vel alienare valeant: alioquin nullam excusationē præterdere poterūt, quominus in censuras & pœnas Apostolicis constitutionibus decretas incurrissē censeantur.

De sacrificio Missæ.

QUONIAM in diuino hoc sacrificio, quod in Missa

SYNODI CONSENT.

Missa peragitur, idem ille Christus continetur, & incruente immolatur, qui in ara Crucis semel se ipsum cruento obtulit: Ideo ut singulari religione, ac pietate, & à sacerdotibus celebretur, & à populo colatur, iuxta sacri concilij Tridentini præscriptum, diligenter episcopi infra scripta seruanda, & cauenda curabunt, & in primis:

Omnes sacerdotes etiam regulares, qui Romano Missale vtuntur, in omnibus cæremonijs, ac ritibus in formula Missalis præscripta ad vnguem cõueniant, nihil addendo, aut mutando ex his, quæ in cuiusq; diei Missa continetur, vel etiam in ipsius Missæ ordinario.

Debitisq; horis celebretur, nec ante auroram, nec post meridiem nisi ex legitima causa à lure permissa; neq; bis in die, nec extra ecclesiã, vel oratoria, nec priuatis in ædibus, aut alio in loco præterquam in ecclesijs, aut oratorijs diuino cultui tantum dedicatis, ac ab episcopo designatis & visitatis. & qui cõtrafecerit, Missas vespertino tempore celebrando contra bullam Pij V. pœnis in eadem bulla contentis puniatur, in ceteris vero à ministerio altaris per biennium suspensus esse intelligatur, & graui etiam ab episcopo animaduersione afficiatur.

Nullus præterea publice, & notorie criminosus, ac presbyter alienæ diœcesis sine commendaticijs litteris sui episcopi ab vllò episcopo ad diuina celebranda, & sacramenta administranda admittatur.

Ordinarijsq; inuigilent, ac bene perspiciant, quænam dimissoriæ sint approbandæ, vel reiiciendæ, cum

B exemplo

exemplo conſtet, innumerabiles fraudes hac in re cō:
mitti conſueuiſſe.

Sacerdotes celebraturi Miſſam, prius priuate perle-
gant, & percurrant, ſuisq; adnotent ſignis, priuſquam
ad altare accedant: ad quod poſtquam acceſſerint, ea
qua decet reuerentia à principio uſque ad finem ſacra
myſteria peragant: clare, & diſtincte legant lectiones,
epiſtolas, & Euangelia, & ſpecialiter Secreta, ad hoc vt
omnia inter celebrandum recte & compoſite, nec mi-
nus celeriter, quàm decet, nec minus tarde peragātur.

Ad quæ omnia vt facilius inuitentur, omnibus Miſ-
ſam, antequam ad altare accedāt, vt præmittitur, legen-
tibus, & cum præmiſſa reuerentia celebrantibus, hæc
Synodus quadraginta dierum indulgentiā concedit.

Et vt puriores ad rem diuinā accedant, omnes Miſ-
ſam celebraturi prius ſe colligant, & orantes in tanti
myſterij cogitatione mentē deſigant, & dum ſacras ve-
ſtes induunt, pſalmos, & collectas recitent. hortamurq;
vt ſingula ſaltem hebdomada peccata ſua deuote con-
fiteantur: quod & ſæpius vnusquiſq; facere debet, cum
ſepties in die cadat iuſtus. Et quotieſcumq; ſe in mor-
tali peccato conſtitutum ſenſerit, non celebret, non ha-
bita copia confessoris; niſi forte cauſa vrgēs, vel neces-
ſitas immineat, quæ niſi graui cum ſcandalo nequeat
præteriri: & tunc adſit contritio, & propoſitum confi-
tendi iuxta ſacri concilij præceptum.

Et quia per externi candoris ſpeciem interior ſacer-
dotum munditia denotatur: Ideo vt ſacerdotes omnes
ſuperpelliceis, amiſtibus albis, cingulis, manipulis, ſto-
lis

lis, planetis, dalmaticis, seu tunicellis, pluuiialibus, & paramentis candidis, & mundis ac integris, nō autem laceratis vtantur, episcopi curent.

Nemo vbi id commode fieri poterit, celebret cum vino rubro propter corporalia, & purificatoria, quæ ex nonnullorum sacerdotum negligentia & incuria, aliquando adeo sordida inueniuntur, vt aliquibus horrori sint.

Nemo igitur corporalibus, aut purificatorijs immundis, aut sine debito tobalearum, ac duarum candlelarum numero temere celebret, aut cum Calice fracto, vel rubigine consumpto, ac sordido.

Calices insuper sacerdotes semel in hebdomada lauent, & aquam in piscinam ponant.

Missæ vero eodem tempore in altaribus ita inter se disiunctis, & separatis celebrentur, vt alter sacerdos ab altero non perturbetur.

Omnibus etiam sacerdotibus præcipitur, vt nullius priuati causa horam Missæ popularibus suis commoda, aut anticipent, aut differant: nec Missam inchoatam adueniēte aliquo repetant, nec ad altare expectēt, aut alia ratione contra rei sacræ decorū, aut populi utilitatem alicui obsequium præstent: & contra faciens arbitrio episcopi puniatur.

Tollant episcopi authoritate Tridentinæ Synodi sumptuosa conuiuia, ludos, choreas, ac quod ad auaritiam pertinet cuiusuis generis mercedum cōditiones, pacta, acceptationes munerum, & quidquid in nouis Missis, & earum, quæ publicæ oblationes dicuntur, ita

B 1 quod

quòd penitus præmissorum omnium tollatur abusus.
Nullus etiam ad nouæ Missæ celebrationem admit-
tatur, nisi prius fuerit ab ijs quos episcopus designaue-
rit, examinatus, vtrum sit instructus in cæremonijs ne-
cessarijs, noritq; alia, quæ in Missarum celebratione
requiruntur. Qui autem in his deliquerit, per sex men-
ses ipso iure ab altaris ministerio sit suspensus, & arbi-
trio episcopi puniatur.

Prohibeantq; episcopi ne pauperes mēdicantes seu
elemosynas petentes per ecclesias, tempore Missarū,
prædicationum, aliorumq; diuinorum officiorū eant;
sed ad valuas ecclesiarum stare faciant sub pœnis, quæ
in Sanctissimi Domini nostri Pij Quinti bulla conti-
nentur.

Religiosi quoque cuiuscūq; ordinis, status, & con-
ditionis existant, sub excōmunicationis pœna non au-
deant, & præsumant celebrare in aliquo loco extra co-
rum ecclesias & monasteria Rectore contradicente.

Et quia contingit sæpe in quibusdam ecclesijs, vel
tam magnum Missarum celebrandarum numerum ex
varijs defunctorijs relictis impositū esse, vt illis pro sin-
gulis diebus à testatoribus præscriptis nequeat satis fie-
ri; vel elemosynam huiusmodi pro illis celebrandis
adeo tenuē esse, vt non facile inueniatur, qui velit huic
se muneri subijcere; vnde depereunt piæ testantium
voluntates, & eorū conscientias, ad quos prædicta spe-
ctant, onerandi occasio darur. Ideo ad hoc vt relictæ ad
pios vsus plenius, & vtilius impleri possint, statuit pro-
uinciale Concilium, quòd pro qualibet Missa cele-
branda

dā in hebdomada saltē pro eleemosyna presbyter capellanus, vel celebrans annuos ducatos quattuor habeat; & in posterum capellę ædificandę non nisi cum dote secundum taxam prædictam erigantur, erectę vero ad eandem taxam reducantur. Vbi vero ob magnū Missarum numerum defunctorum voluntati satisfieri non poterit, episcopi eorum arbitrio, & cum maturitate Missas ipsas ad congruentem numerum reducant. Ita tamen ut eorum semper defunctorum commemoratio fiat, qui pro suarum animarum salute legata ea ad pios usus reliquerunt.

Nēue Christiani fideles à propriarū parochialium cultu, & à diuinis audiēdis à proprio paroco, à quo Christianę fidei erudimenta salutaria monita festorū dierum, & circa contrahendas nuptias denunciations exaudiant in posterum auertantur: statui-mus, ut nullus presbyter, Beneficiatus, vel Capellanus cuiuscunq; capellę Dominicis, alijsq; festiuis diebus in oratorijs sodalitatū secularium, quas confraternitates appellant, alijsue ecclesijs, capellis, aut oratorijs secularibus, quę parochialis ecclesię finibus continentur, Missas, & alia diuina officia hora nimis præpropere celebrare, atq; ad ea audienda populū cōuocare audeat. Idēq; à ruralibus presbyteris, & capellanis aliquarum ecclesiarum parochialium, & capellarum obseruandū esse decernimus.

De reliquijs, & ueneratione Sanctorum.

Reliq̃uę Sanctorū in honestissimis locis, ac in decētissimis vasculis in ecclesijs asseruentur, & sola pietatis

ratis, non quæstus gratia luminatibus accensis populo ostendantur; nec ita passim sine episcopi licentia è vasculis extrahantur, ad infirmos nullo pacto deferantur. Qui temere aliter fecerint, ab episcopis ipsis pro modo culpæ pœna afficiantur.

De festorum dierum observatione.

CVM dierum festorum observatio ad Dei cultû maxime pertineat, & in lege diuina præcipiat ut: Ideo episcopi diligenter curent, ut dies Dominici, & alij ab ecclesia recepti, vel loci consuetudine, præcipue vero in honorem Dei, beatæ Virginis, & Sanctorum feriatum cum omni veneratione obseruentur per ciuitates, & diœceses iuxta Sanctissimi D. N. Pij. V. Bullam, & sacros canones.

Et omnes Christifideles in diebus præfatis ecclesias frequentent, diuinis officijs deuote intédant, à quibuscumque operibus illicitis, iudiciorum agitationibus, emporijs, nundinis, alijs mercatorijs cōuentibus exercendis quocunque nomine nuncupentur, abstineant, & maxime rustici, qui in hoc sæpe delinquant.

Conuentiones etiam, quæ consilia seu parlamenta vocant, si necessitas urgeat, post vespèras tantum. (dum modo non in ecclesijs, & cœmeterijs) fieri permittant.

Esculenta & poculenta venundari possint, dummodo id fiat post Missarum solemniam.

Qui vero festis diebus illicitum opus aliquod faciētes deprehensi fuerint, præter diuinam ultionem & alias pœnas ex eiusdem bullæ dispositione irflictas graui-

grauiter quoq; arbitrio episcopi pro modo culpæ puniantur.

Et vt festiui dies firmiter in hac prouincia obseruentur, infrascriptum Calendarium describi visum fuit.

De Calendario festorum dierum.

I A N V A R I V S.

- I Circumcisio Domini nostri Iesu Christi.
VI Epiphania Domini.*

F E B R V A R I V S.

- II Purificatio Beata Virginis.
XXIV Mattheia Apostoli.*

M A R T I V S.

- VII Thoma de Aquino.
XXV Annunciatio Beata Maria Virginis.*

A P R I L I S.

- II Francisci de Paula.
XXV Marci Euangelista.*

M A I V S.

- I Philippi, & Iacobi Apostolorum.
III Inuentio sanctæ Crucis.*

I V N I V S.

- XXIII Nativitas S. Ioannis Baptista
XXIX Petri & Pauli Apostolorum.*

I V L I V S.

- XXV Iacobi maioris.*

A V G V S T V S.

- X Laurentij Martyris.
XV Assumptio Beata Maria Virginis.
XXV Bartholomæi Apostoli.*

S E P T E M B E R.

- VIII Nativitas Beata Maria Virginis.
XXI Matthei Apostoli, & Euangelista.*

XXIX Dedi-

XXIX Dedicatio Basilica sancti Michaelis Archangeli.

OCTOBER.

XXVIII Simonis & Iuda Apostolorum.

NOVEMBER.

I Omnium Sanctorum.

XI Martini Episcopi & confessoris.

XXX Andrea Apostoli.

DECEMBER.

VIII Conceptio beata Maria Virginis.

XXI Thome Apostoli.

XXV Nativitas D.N. Iesu Christi.

XXVI Stephani Protomartyris.

XXVII Ioannis Apostoli, & Evangeliste.

FESTA MOBILIA

Omnes Dominica totius anni.

Feria Quinta in Cena Domini per horas Missarum.

Pascha Resurrectionis D. N. Iesu Christi, cum duobus diebus sequentibus.

Ascensio D. N. Iesu Christi.

Pentecostes cum duobus diebus sequentibus.

Festum sanctissimi Corporis Christi.

Præterea dies festos Patronorum ecclesiarum Cathedralium, & alios, qui peculiari quadam devotione, & laudabili consuetudine nonnullis in locis huius provincie observari consueverunt, sanctificandos, ac fideliter observandos Episcopi curent.

De sacris Imaginibus.

Quod autem ad sacrarum Imaginū cultum, & venerationem attinet, eam reuerentiā & honorē illis episcopi impendi curent, quam sacrosancta Tridēna synodus statuit; idq; sapius populum edoceri studeat. Atq; ut debitus cultus, honorq; dictis sacris imaginibus exhibeatur prohibuit, ne signū tam salutiferæ Crucis,

cis, quàm beatissimę Virginis, & omniũ Sanctorũ, aut in immundis, & cõtempribilibus locis, siue in paui-
mentis post hac collocetur, & collocatum (si quid forte in-
honeste depictum reperiretur) deleatur. Inobedientes
vero pœnas ab episcopis statuendas luant.

De Indulgentijs.

CUM Indulgentiæ à summo Pontifice cõcessæ, pu-
blicandæ erunt, doceât parochi, & apud Ecclesiam
esse earum concedendarum potestatem à Christo illi
collatam, & illarũ vsum plurimi faciendum, cum Chri-
stifidelibus fructuosissimę sint ad animarum salutem.
episcopi diligenter scrutentur si quæ absurditates aut
indignitates ob ignorantiam, aut superstitionem, aut
aliunde quomodocumq; prouenerunt, & eas sigillatim
adnotatas in proxima Synodo diœcesana: si vero fue-
rint abusus grauiores in provinciali referant, vt com-
muni consilio ad sanctissimũ Romanũ Pont. deferan-
tur, Quo auctore, quicquid expedierit, constituatur.

Pius Quintus fel. re. Pont. Max. quascumq. Indul-
gentias, etiam perpetuas, quas qui cõsequi voluissent,
manus conferre deberent adiutrices, quas à quęstu du-
ctas penitus abrogauit, quod neminẽ ignorare pium
valde ac necessarium est; nec ab inferiore publicari
possint absq; episcopi licentia.

De Prædicatione verbi Dei.

INter cetera, quę ad salutẽ populi Christiani spectant,
pabulũ verbi Dei permaxime sibi noscitur esse ne-
cessa-

C cessa-

cessarium: quia sicut corpus materiali, sic anima spiritali cibo nutritur, eo quod non in solo pane vivit homo, sed in omni verbo quod procedit ex ore Dei: unde episcopi ex sacrosancti concilij Tridentini decreto, & per viscera Iesu Christi hortantur, cum hoc præcipuum munus sit eorum, ut in hanc curam toto animo incumbant, atque ipsi oves suas verbi divini prædicatione pascere non prætermittant, & si legitime impediti fuerint, viros idoneos potentes in opere, & sermone assumant ad huiusmodi prædicationis officium salubriter exequendum.

Iidem etiam fieri curent in alijs ecclesijs per parochos omnibus Dominicis, & solennibus diebus festis; tempore autem Ieiuniorum, Quadragesimæ, & Adventus Domini quotidie vel saltem ijs diebus quibus episcopi ipsi expedire iudicaverint.

Parochis impeditis per alios impensis eorum, qui eas præstare vel tenentur, vel solent deputandos in Civitate, aut quacumque parte diocesis prædicandi munus expleri episcopi curent.

Sollicite etiam provideant episcopi in parochialibus etiam si quovis modo exemptæ dicerentur, aut aliqui monasterio etiam extra diocesim, forsitan annexæ, vel unitæ modo re ipsa in diocesi sint; ut dictus saltim Dominicis & festis solemnia populus cælestis doctrinæ pabulo pascatur. quod si parochi etiam si ab episcopi iurisdictione se exemptos esse præterderent, ab episcopo moniti trium mensium spatio muneris suo defuerint, per censuras ecclesiasticas, seu alias ad ipsius arbitrium

arbitrium episcopi cogantur; ita ut etiam si ei sic expedire visum fuerit ex beneficiorum fructibus alteri; qui id præstet honesta merces persoluantur donec principalis ipse resipiscens officium suum impleat.

Si quis prædicta adimplere contempserit, sciat se districtæ subiacere ultioni.

Et quoniam inuidens zizaniorum sator, semper humanæ salutis diabolus, quod in agrum dominicum per se directe non potest, id nonnunquam per suos quos possidet, cupiditatis igne succensos exquisitis modis efficere conatur: idcirco episcopi summo opere aduertant, cuius vitæ sint hi per quos verbum Dei seminatur in populo, ne plantare fingentes destruant.

Moneantq; episcopi quoscunque, qui hoc officio prædicandi funguntur, & per viscera Iesu Christi rogent, ut ipsius Euangelium sincere populo prædicent, ac annuncient, imitentur eius vestigia viris Apostolicis præcipientis, Prædicare Euangelium omni creature, & iterum, Docete omnes gentes seruare quæcumq; mandaui vobis.

Vtantur interpretationibus sanctorum Ecclesiæ antiquorum Doctorum, prout etiam in concilio Lateranensi constitutum est.

Cessent in sanctis concionibus profanarum legum minime necessariorum citationes, poetarum auctoritates, superuacue subtilium quæstiones, & plerumq; futitium allegationes, ac hæreticorum opiniones & argumenta; nisi id vrgens necessitas postulet, & id quanto minus fieri potest, nominatim recenscat, sed omnino

refellant, memores semper oportere eos, qui docent, & instruunt animas rudes esse tales, ut pro ingenio discipulorum semetipsum possint aptare, & verbi ordinem pro audientis capacitate dirigere.

Instruant populum ad observationem præceptorum Dei, ut fidem inconcusse teneant, atque omnibus mandatis Dei & Ecclesiæ pareant.

Decreta concilij Tridentini, præsertim, quæ ad mores, & Christianam disciplinam restituendam pertinent, & has constitutiones populo studiosius inculcent.

Parentes adhortentur ad bene educandos liberos suos adhuc in tenera ætate constitutos, cum ea ætas ceterarum ætatum fundamentum sit & principium.

In aliquem tacite vel expresse non invehantur, sed generatim vitia redarguant, prælatos, & magistratus pie & reuerenter admoncant, subditos ad eorum obedientiam excitent.

Non erubescant Christum crucifixum Christianis prædicare, cuius amorem studeant laxare hominum cordibus infigere.

Sint in verbo discreti, & casti; quia Eloquia Domini, eloquia casta.

Præmoncantur Prædicatores prædicti ab episcopis, & curatis omnibus quid magis, vel minus pro loci, & popularium peccatorum qualitate sit audientibus enuncians.

Studeantque ea, quæ decet charitate abusus civitatis, & diocesis tollere, & in his sistant, ut sic circa eos opportune, & importune insistentes quotidie populum

lum

lum ad amorem Dei trahant, vitia detestentur, ad virtutum amplexus auditores allicientes.

Habeant præ oculis honorem Dei, & animarum salutem, nihil ad gloriam, & ostentationem facientes.

Non quæstui intenti, nec quæ sua, sed quæ Iesu Christi sunt quærentes, ut sic iuxta veritatem, dent cibum in tempore, & frangant esurienti panem.

Supradicta omnia, quæ concionatores observare tenentur, episcopi non solum concinatoribus ipsis notificent, sed in licentijs eisdem de prædicando in eorum diocesi concedendis inferant.

Regulares cuiuscumq; ordinis meminerint se nisi à suis superioribus de vita, moribus, & scientia examinati, & approbati fuerint, ac de eorum licentia etiam in ecclesijs suorum ordinum prædicare non posse, cum qua licentia personaliter se coram episcopis præsentare, & ab eis benedictionem petere teneantur antequam prædicare incipiant: quibus contradicentibus, etiam in prædictis suorum ordinum ecclesijs prædicare non præsumant.

Regularibus vero extra claustra, & obedientiam religionum suarum viuentibus prædicatio interdicitur etiam quorumlibet priuilegiorum prætextu.

Et quia sæpe oriri solet contentio in eligendo Prædicatore: ideo ad tollenda scandala, hæc synodus inhibet, ne seculi potestates, magistratus, aut vniuersitas aliqua vlllo pacto se se ingerant in Prædicatore deligendo, cum totum hoc munus ad episcopos, & ecclesiarum Rectores ex factorum Canonum dispositione pertineat; qua

qua in re si difficultas aliqua suborta fuerit, ad ordinarium deferatur, qui modis omnibus ecclesiarum immunitati consulat, sicut magis conducere iudicauerit.

Statuit etiam hæc synodus, ut transacto quadragesimali tempore, & alijs temporibus, prædicatores omnes, qui in ciuitate, & diœcesi vice episcoporum, aut curatorum laborauerint, quasi villicationis suæ rationem reddituri, se conspectui episcopi, aut vicarij præsentent, relaturi quomodo tam secularium, quàm regularium vita, & mores se habeant, si quid sit, cui pro Dei honore & subditarum animarum salute consulendum sit. Quod si quis in se præsentando (iusta cessante causa) contumax fuerit, episcopi de cetero eundem ad prædicandum non admittant.

Ab historijs apochryphis, & miraculorum non approbatorum recitatione penitus abstineant.

De Conceptione beatæ, & gloriose semper virginis in popularibus concionibus propriam sententiam asserendo & contrarium refellendo, aut impugnando disputare non audeant, sed Bullam pię recor. Pij Papæ Quinti, super hoc editam inuiolabiliter obseruent.

Passionem Domini nostri Iesu Christi lucescente die nisi locorum ordinarijs aliter expedire videbitur docte, pie, & grauitè exponant, nihilque in ea, quod à Christiana disciplina & à tanti mysterij dignitate alienum sit, etiam ad lachrymas commouendas dicatur deinceps, aut modo aliquo fiat.

Studebunt episcopi, ut cum ipsi prædicare non poterunt prædicationibus semper assistant, utque clerici omnes

omnes cuiuscumq; dignitatis fuerint, in eis interfint, provideant, & seculares dominos, magistratus, & officiales omnes in concionibus adsint sæpe commoneant, vt eorum exemplo populus ad audiendū verbum Dei reddatur alacrior.

*De præbenda Theologici, & lectione
sacrae Scripturae in Monasterijs.*

SACRARUM scripturarum lectioni incumbendum esse, in eaque assidue versandum tum Apostoli ad Timotheum, tum sanctorum Patrum, & Conciliorum admonitione docemur; nouissime etiam generalis Tridentini concilij decreto iubemur: quare si in cathedralibus aut alijs in collegiatis ecclesijs insignibus præbenda, seu stipendium sacrae Theologiae doctore & interpreti adhuc assignatum aut deputatum non extitit; ne tam utile, tamq; necessarium munus omittatur, statuimus, vt ab episcopis primo quoq; tempore iuxta prædicti generalis concilij præceptū statuatū, vel ex præbenda quomodocumque, præterquam ex causa resignationis proxime vacatura, eui, aliud onus incompatible, & quatenus in ipsis ecclesijs nulla, vel non sufficiens præbenda foret Metropolitanus vel episcopus ipse per assignationem fructuum alicuius simplicis beneficii, eiusdem tamen debitis supportatis oneribus, vel per contributionem beneficiariorum suæ ciuitatis, & diocesis, vel alijs, prout commodius fieri poterit, de Capituli consilio ita provideat, vt ipsa sacra scripturae lectio habeatur.

Admo-

Admoneantur insuper omnium monachorum superiores, ut in Conuentibus ipsorum, ubi sacre scripturæ lectio commode haberi poterit, illam à Capitulis generalibus, vel provincialibus dignioribus magistris secundum prædicti decreti ordinationem assignandam curent. Quod si facere neglexerint, episcopi omnes, ut Apostolicæ sedis delegati, eos ad id opportunis remedijs compellant.

Is vero qui lectioni huiusmodi deputatus fuerit tam publice quam priuatim non admittatur nisi prius de vita, moribus, & scientia fuerit examinatus, & approbatus, & ad fidei professionem admissus, iuxta sæpe memoratas litteras fel. rec. Pij Papæ Quarti.

Is etiã qui deputatus, & admissus fuerit statutis diebus, & horis in loco per episcopum designato sacre scripturæ libros, atq; alios pro caluum pœnitentialium cognitione à curatis, & sacerdotibus habenda interpretabitur.

Curent episcopi, ut in hac lectione clerici omnes, ad eam lectionem idonei cuiuscûq; gradus intersint, utq; proficiant singulos hortentur, & sæpius admoneant ut demum cogant.

De sacris verbis non abutendis.

Prohibeant episcopi ut ab idiotis præcipue, & litterarum ignaris de his quæ ad fidem pertinet nec publice nec priuatim disputeretur, & non solum in eos, si pertinaces fuerint, sed etiam in omnes sacre scripturæ verbis, vel sententijs ad scurrilia dicta, detractones, adula-

adulationes, superstitiones, incantationes, libellos famosos, aliosq; profanos, & illicitos vsus abutentes seuerrissime animaduertant: quod etiã fieri volumus in omnes, qui vestibus clericorum tam sæcularium, quàm regularium, vel eorum similibus in profanis representationibus vsi fuerint, eademq; personas ecclesiasticas habitu, aut verbis deriserint.

De sacris actionibus non representandis.

PIA fidelium consuetudo representandi venerandam Domini nostri Passionem, & gloriosa martyrum certamina eò hominum malitia deducta est, vt ex huiusmodi representationibus oblectari, ad risum sæpius & scandalum excitari potius quàm ad pietatem, & lachrymas accendi & commoueri soleant astantes. propterea prohibemus ne deinceps in sacro nec in profano loco publice vel priuatim agantur, ac represententur, absque præcipua ordinariorum licentia; qui quod pietati, aut religioni congruere iudicabunt, hac in re pro eorum prudentia statuent.

De Processionibus.

PROCESSIONES eo tempore fiant, eo ordine, & religione qua decet, ad quas accedere omnino teneantur non solum regulares, & exempti, sed etiam confraternitates laicorum secundum consuetudinem loci, aut secundum quod fuerint ab Episcopo conuocati.

In quibus Processionibus, & præsertim in festo sanctissimi Corporis Christi in locis per quæ ince-

D dere

dere solent, is ornatus, apparatus, & decor appareant, qui præsentie, & aspectui Salvatoris Domini nostri cōuenire videantur. Fideles vero in associatione, reuerentiam, pietatem, & religionem eam seruent, vt fructum tam pij operis, & laboris à Domino consequi possint. Laici à clericis, fœminæ à viris separatim prosequantur.

Inter viam non inaniter spectādi gratia subsistatur. actiones pro foribus ædium, aut in via non repræsententur, & ne quæ minus deceant spectacula adhibeantur. Edendi, & bibendi consuetudinem in sacris supplicationibus episcopi, & parochi omnino tollant.

Processiones quæ in aliquibus locis in die Resurrectionis à prandio fiunt, deferendo sanctum chrisma, tamquam ab Ecclesia non institutæ, tollantur.

SESSIO SECVNDA

CELEBRATA DIE XII. MENSIS

MII, M. D. LXXIX.

De Sacramentis, & eorum administratione.



PAROCHI ad cælestem, & amplissimum sacramentorum thesaurum dispensandum destinati, vt populus ad ea suscipienda maiori cum reuerentia, atq; animi deuotione accedat, eorum vim, ac naturam populis suis vernacula lingua

lingua non desistant sæpissime explicare.

Studeant Episcopi, vt in sacramentis administrandis omnes ritus, ac consuetudines seruentur, quæ Sanctæ Romanæ Ecclesiæ aliarum matris, & magistræ conformes sint, indictis etiam, si opus erit, arbitrio pœnis.

Ministri ad quos oleorum distributio spectat, caueant, ne quid accipiant pro illorû receptione, etiâ sponte datum, sub pœna suspensionis, quacumq; consuetudine etiam immemoralibili non obstante.

Oleis sanctis, sanctoq; Chrismate veteribus nõ vtantur sub pœnis à sacris canonibus statutis.

Et ne propter irreuerentiam sacramentorû ira Dei sæuiat in ministros, & ne ab eis, quæ ad salutem proposita sunt, temeraria manus extendi valeat ad aliqua horribilia, & nefaria exercēda: ideo olea sancta, sanctumq; Chrisma tanta reuerentia, & diligentia custodiantur, vt clauces eorum Parochus tantum, sicut dictum est, retineat, & apud se obseruet: neque alteri, nisi ex vrgenti necessitate committat, ne illis abutendi facilis occasio relinquatur; quod si vnquam euenerit (quod absit) & qui conuerterit, & qui consenserit ad alium vsum quàm ad quem sunt instituta grauissimis, & legitimis pœnis ab Episcopo infligendis corripiantur.

In administrandis sacramentis Sacerdotes semper superpelliceum, & stolam adhibeant, nec aliquid pro eis exigant à quoquam, sed illa gratis omnibus conferant. Curent autem, vt mundi à mortali peccato illa administrent.

De Baptismo.

Baptismus non nisi in Ecclesia ac à sacerdote solemni ritu ministretur, nisi immineat vrgens necessitas, ac vitæ periculum; tunc vero hoc munus omnibus promiscue permissum est, modo mulier si mares adsint, laici præsentibus clericis cedant, ac clerici sacerdotibus, & Ecclesiæ forma, ac debita materia naturalis aquæ utantur: quamquam obstetrices quæ baptizare consueverunt, non sunt improbandæ, si interdum præsentem aliquo viro, qui huius sacramenti conficiendi minime peritus sit, id exequantur.

Quæ omnia sæpe materna lingua, & Parochi, & confessarij exacte populares doceant, tum ne res tanti momenti aliqua inscitia, aut errore inanis efficiatur, tum etiam, ut omnes intelligant quo in honore tam necessarium sacramentum habendum sit.

Quia ex characteris vi & natura ab Ecclesia definitum est baptismi sacramentum nulla ratione reiterandum esse: Ideo ne reiteratio contingere possit, aut necessarium omittatur, præcipitur omnibus, qui baptizandi mune re-funguntur, ut cum delatus fuerit infans ad Ecclesiam baptizandus, deferentes interrogent, fuerit ne ille domi baptizatus, & si pro certo confirment non fuisse baptizatum, adhibita forma Ecclesiæ simpliciter sine vlla verborum conditione dicant: Ego te baptizo, &c. sin autem testentur, aut certo sciatur puerum baptismum priuatim in ædibus suscepisse, sacerdos adhibeat tantum ritus, ac ceremonias baptismi, nec proferat vllomodo for-

do formam, nec infantem abluat; sed dicat, Quia tu es baptizatus, ego te benedico in nomine Patris, & Filij, & Spiritus sancti, Amen: sed si res dubia ita sit vt vere nesciatur an sit baptizatus, tunc minister (premissis ritibus, ac cerimonijs) conditionaliter hæc verba tantum proferat: Si tu non es baptizatus, ego te baptizo in nomine Patris, & Filij, & Spiritus sancti, Amen.

Parentes, & ij, quorum cura est, quamprimum infantem ad suscipiendum baptismū in Ecclesia vel catechesim seu exorcismum deferendum curent: quòd si neglexerint excommunicationis pœnam subeant.

Nec Parochus ad tenendum infantem admittat in baptismo, qui fidei rudimenta ignorat, & qui excommunicatus sit, atq. in sancto illius anni Paschate confessionem, ac communionem omiserit, & ad euitandum familiaritatis occasionem, regulares leuare non patiatur: si vero Parochi culpa, vel negligentia secus in prædictis factum fuerit, arbitrio ordinarij puniatur.

Curent Episcopi vt sacri baptisimi fons sit non è petra lateritia, sed è marmore: & si petra reperiretur, quæ tuta non sit, & aqua effluat, vas in eo æneum stanneatum ponatur, quod eiusdem magnitudinis sit ac petra ipsa, eamq. strictim vndiq. & apte tangat, eiq. coniunctim adhæreat: atq. id donec petra alia tuta cõparetur; quod erit curandum, vt quamprimum fiat, & fons ipse in cathedralibus cancellis obseratus, & in loco Ecclesiarū omnibus conspicuo sit; si quid non impedierit.

Operimentum quod ciborium appellatur, habeat, & ita aptum, vt sancta olea, atq. alia ad baptizandum necessaria

necessaria commode ibi asseruari possint, & conopæo tegatur.

Habeatque vas vitreum cum mansula pro effudēda aqua super capite baptizatorum.

Vasa Sacramentorum vsualia sint saltem stannea, munda, & nitida.

Sacrarium in pariete excavatum sit, vel in columnella iuxta illum fontem erecta: quod omnino iuxta fontem ipsum adsit, & eodem septo plane, & fons ipse & sacrarium concludatur.

Septumque si ferreum, vel lapideum esse non poterit, ligneum construatur.

Habeatque picturam in pariete, (vbi commode fieri poterit) sancti Ioannis Christum Dominum baptizantis, & omnia eò ornatiores atq; decentiores sint interius, & exterius, quò Ecclesia ipsa insignior erit, & quanto magis fieri potest, decenter instructum sit.

Curent omnino sacerdotes, ne cum hoc baptismatis sacramentum administratur, dissolutiones, risus, aut clamores fiant; sed sacerdotes, & qui assistunt, valde deuoti permancant, cum mysteria singularia in hoc sacramento contineantur: quinimmo ea cum reuerentia sacramentum istud sicut & cætera ministrent, aliàs Deum nouo peccato mortaliter offendent.

Si apud Gentiles potissima cura erat, vt parentes honestis filios suos nominibus appellarent, asserentes etiam quòd si pulchra nomina venderentur, deberent emi: quanto magis Christiani homines delectari, atq; gloriari deberent, illis licere liberis suis ea Sanctorum

nomina

nomina imponere, quorum veluti tali cognomine gaudentium suffragijs liberos suos fulcitos custodiri continue, & præseruari pium sit credere: vnde cum nonnulli valde huic Synodo errare videantur, dum leuitate quadam aut ipsi nouorum nominum auctores haberi volunt, aut si qua à suis maioribus acceperunt, tamquam gentile patrimonium ad posteros certa fide transmittunt. Omnes igitur vtriusq; sexus hortatur, ne infantulos suos baptizandos nominibus Paganorum, aut Gentilium, sed nominibus Sanctorum, aut Sanctorum iuxta ritum Christianum nominare velint.

Liber habeatur ac sedulo custodiatur, in quo Baptizatorum nomina, & cognomina tum parentum, atq; compatrum baptizantis manu conscribantur, ac an ex legitimo matrimonio infans natus sit, quoue die natus & baptizatus fuerit: alioquin Ecclesiæ Rector Episcopi iudicio mulctetur, & copia libri singulis annis Episcopo deferatur in episcopali archiuio conseruanda.

Infantes quâdo deferuntur ad ecclesiâ facibus accêsis nō associantur, sub pœna arbitrio Episcopi imponenda.

Parochi puerperas moneant, vt cum primū post partum domo exierint, statim ad Ecclesiâ Deo acturę gratias accedât, vbi benedictionem à Parocho suscipiant.

Cum baptismalis aqua in fontibus renouatur, veterem in sacrariū infundant, illamq; petentibus ad superstitionum vitanda fomenta omnino denegent.

Prægnantes deniq; mulieres, vt cum nonū mensem attigerint, confiteantur, & sanctissimâ Eucharistiam sumant sedulo hortentur, & frequenter commoneant.

De Con.

De Confirmatione.

SI in sacramento confirmationis explicando pastorū diligentia requirenda vnquam fuit, nunc certe opus est illud quammaxime illustrare: cum in sancta Dei Ecclesia hoc sacramentum à multis prætermittatur, paucissimi vero sint, qui diuinæ gratiæ fructum, quem deberent, ex eo capere studeant. Ideo episcopi antequam confirmationis sacramentum administrent, per octo dies antea præmoneri curent omnes confirmandos, vt ad sacramentum percipiendū digne se præparent, aut per se, aut per alium eius vim, dignitatē, & mysteria dilucide explicēt, ac denuncient ex eo inter cōfirmantē, & confirmatū, illius patrem, ac matrem, & tenentē eandem cognationem spiritualem nasci, nec minoris extimandam, quàm quæ ex baptismo gignitur; ac propterea inter eos carnale Matrimonium contrahi non posse, & cætera quæ Tridétinæ Synodi traduntur decreto.

Adultos qui in ea ætate confirmandi sunt, si huius sacramenti gratiam, & dona consequi cupiant, non solum fidem & pietatem afferre, sed grauiora etiam peccata, quæ adiniserūt ex animo dolere oportet: ideo admoneantur vt confessi, vel saltem contriti, & ieiuni ad confirmationem ipsam suscipiendam se conferant.

Excōmunicatis, ac eo anno in Paschate non confessis, quiue communionem non acceperint, confirmandorum patrilos esse non liceat.

Parochi describant confirmatos, & compadres seruatis cæteris omnibus, quæ de libro baptizatorum describendorum, superius sancitum fuit.

De Sanctissima Eucharistia.

IN altari maiori, vbi id commodè fieri poterit, aliàs in decentiori loco omnium cathedralium, collegiarum, ac aliarum curatarum ecclesiarum, nisi necessària, vel graui de causà Episcopo aliter videbitur, Sàctissimum Eucharistiæ sacramentum reponatur in tabernaculo saltem ligneo picto, & deaurato, veloq; serico contexto, & intus ornato bene ac tute clauso, cuius clauis à nemine præterquam à Parocho teneatur, ita aperto, vt ex eo possit ipsa Sanctissima Eucharistia commode extrahi, neq; super altare propterea ascendendum sit, vacuo à reliquijs vasculo, olei infirmorum, atq; inani vase, vt omnino nil aliud ibi conseruetur quàm vas vbi sanctissimi Christi corpus reponitur. Sit autem vas illud argenteum deauratum, & interius corporale vnde quaque munitum, eodemq; substratum: Et ne ex aliqua negligentia, & incuria corruptio generetur, ad minus decimo quinto quoq; die innouetur, & coram illo lampas in conspicuo non à latere perluceat. Quæ si negligentia Parochi, aut auaritia corrupta & extincta reperientur, Episcopi arbitrio Parochus puniatur.

Antiquæ custodiæ, quæ in pariete Sanctissimi Sacramenti inueniuntur penitus amoucantur, vel signo omnino deletò, in alios vsus adhibeantur, vt reliquiarum, aut olei infirmorum.

In omnibus Ecclesijs parochialibus societas corporis Domini quamprimum erigatur, & vbi erecta reperitur, omni diligentia conseruetur, & Episcopi eas visitent, reforment, & amplificent, omniaq; faciant, vnde

E omnes

omnes earū functiones exerçant, ac instituta seruent, & si in ciuitate vel oppido aliquo duę Sanctissimi corporis Domini Confraternitates reperiantur, vniantur, & in vnā redigantur, vbi id sine scandalo fieri possit.

Quando in sepulchro sanctissimum Christi corpus reponitur, clauēs sepulchri penes Episcopum, vel Parochum asseruentur; nec laici cuiusuis conditionis existant, in eo se ingerant, nec id Episcopi permittant, sepulchrumq; ipsum mulieres de die tantum, & non de nocte visitent, nec in sepulchro imagines laruatę, nec oblięnę repręsentationes adhibeantur, foresq; ecclesię de nocte obserentur.

Dum Sacrosanctę Eucharistię viaticum per vrbes, & oppida ad infirmos defertur, superposita vmbella tegatur, & quāplurimis luminaribus associetur tintinnabulo semper pręcedente. Episcopi vero, & monitis, & indulgentiarum promulgationibus fideles vehemēter excitent, quamfrequentissime ac deuotissime illud commitentur, ac omnia alia ratione venerentur.

Et in qualibet Parochiali ecclesia sit vna láterna honorabilis, aurata cum suo baculo in vsu habenda, ne in itinere, aut vētorum turbine, aut nimborum vi lumen deficiat.

Parochi partes erūt fideles crebro adhortari, vt quęadmodum corpori in singulos dies alimentū subministrare necessarium putant; ita etiam quamsepius hoc sacramento alendę & nutriendę animę curā non abijciant, neq; enim minus spiritali cibo animam, quā naturali corpus indigere perspicuū est: vehementer autem

tem

tem proderit, si sæpe inter Missarum celebrationē Parochus populum admoneat de antiquæ ecclesiæ consuetudine quotidie communicandi: quia ad frequentationem huius sacramenti inflammabuntur, & saltem singulis annis in diebus Resurrectionis, Pentecostes, Natalis Domini, ac Beatissimę Mariæ Virginis Assumptionis confessione peccatorum facta Sanctissimā Eucharistiam accipere assuecant, recitetq; caput illud Lateranenē Concilij, quod incipit: Omnis vtriusq; sexus in Quadragesima. & vulgaribus verbis exponat, vt poenam quam infert agnolcentes, semel ad minus in Paschate non omittant communicare.

Parochi non minus ciuitatis quàm diœcesis transacta octaua Paschatis oues suas recenseant, & qui eo tēpore confessi non fuerint, & Eucharistiam nō sumplerint, nullius habita ratione eorum nomina, & cognomina in schedula ad Episcopos deferant: nec non publicos etiam adulteros, concubinos, & concubinas, blasphematores, vsurarios, & de hæresi suspectos, nec non eos omnes, qui contra Tridentinum Conciliū in gradibus prohibitis matrimonia cōtraxerunt, aliàs grauius ab Episcopo mulctentur. Delatis vero vt supra, & contumacibus ecclesiæ ingressus in vita interdicator, & ecclesiastica sepultura in morte denegetur. & si in cōtumacia perseuerauerint, per mensem excōmunicētur: deinde si spretis censuris nō resipuerint, acerrimis poenis afficiantur; quod si per annum in censuris perseuerauerint, contra eos tanquam de hæresi suspectos ab Episcopis procedatur, iuxta Tridētinū Cōcilij decretū.

E 2 Et ne

Et ne fraus aliqua fiat, qui tempore Paschatis domo abfuerint, nisi veram fidem authenticam habeant de suscepta alibi comunione; quamdiu in propria parochia Eucharistiam non sumant cum ijs, qui præsentes sumere neglexerunt, eadem prædicta pœna puniantur. Qui vero extra propriam parochiam in Paschate Eucharistiam sumpserit absq; Parochi licentia, habeatur, ac si non communicasset.

Regulares vero, qui Eucharistiæ sacramentū eo tempore administrare præsumserint, cōtra quod dictum est, sciant ipso facto se excommunicatos esse, à sancta sede Apostolica tantum absolvendos, & statim per ordinarios pro excommunicatis publicandos, iuxta constitutionem felicitis recordationis Clementis Papæ V. (salvis tamen in omnibus indulgis, & priuilegijs Apostolicis per eandem sedem Apostolicā non derogatis).

Cum multi reperiantur, qui in concubinato, vsuris, & alijs notorijs peccatis perseverantes, & scandalosi, aut obligati ad restitutionem bonorum promittant se omnino ad meliorem vitæ frugem reducere, aut infra terminum competentem sibi assignatum iuxta facultates suas satisfacere, & promissa non exequantur: ideo hæc Synodus decreuit, vt publici concubinarii, vsurarii, fures, blasphemii, & alij huiusmodi facinorosi homines, si semel ad pœnitētiā, & communionem admissi fuerint, & postea in eodem peccato permanere, & adhærere cognitum sit, amplius ad communionem non recipiantur, nisi postea eos vitam, & mores re ipsa emendasse Parochi compererint.

De

De Pœnitentia.

NE imperitorum culpa confessariorum contingat, vt qui innocentie nauim fregerunt, secunda pœnitentie tabula apprehensa ad salutis portum peruenire nequeant; interdicitur omnibus sæcularibus presbyteris, qui parochialibus non præsunt ecclesijs, & quorumcumq; ordinum etiam Mendicantium, ne posthac sæcularium confessiones quoquomodo audire audeant vel præsument, nisi prius expresse approbentur ab ordinarijs, præuia vt Parochorum, examinatione, & scriptam acceperint licentiam: quibus tamen omnibus approbatis, etiam vigore Maris magni, & priuilegiorum non liceat à casibus Episcopis reſeruatis, etiamſi excommunicationem annexam non habeant, absoluerè, iuxta declaratione aliàs factam per congregationem Illustrissimorù Cardinalium de mente Sanctissimi, ac Constitutionem Pij Quinti de Priuilegiarù Mendicantium confirmatione, ac Sanctissimi Gregorij XIII. de litterarum P.; Quinti ad ius commune, ac Concilij Tridentini Decr. reductione.

Prioribus, Guardianis, Custodibus, Vicarijs, & alijs quorumuis Mendicantiù fratrum, & aliorù quorumcumq; religiosorum, præfectis monasteriorum, & ecclesiarum præcipitur, vt in ecclesiarum suarum, & conuentuum loco ad legendù aptiore tabulam continentem nomina Confessorum ab Episcopo approbatorù, ac sigillo munitam statuât, & affigant, ad hoc, vt qui voluerit ipsis Religiosis confiteri, videat prius si sint de illis, qui fuerint ab Episcopo approbati: & nemo vllam possit

possit vnquam excusationē afferre, si cæcus à cæco ductus ambos in foueā cadere cōtingat; cum illis, qui nō ab approbato Confessore absolutionē acceperint, iterum confiteri necesse sit. Confessores vero erunt grauissimis pœnis ab Episcopis coercendi, qui contra hoc decretum facere præsumpserint; atq; etiam superiores, qui negligentes in affigenda tabella fuerint: idein obseruetur, & habeat locum in ecclesijs sæcularibus.

Ad euitanda scandala, quæ aliquando in confessionibus solent contingere, hæc Synodus præcipit, vt confessiones, præsertim mulierum, in loco aperto, & euidenti audiantur, nec ante ortum, vel post occasum solis, nisi necessitas, vel aliqua rationabilis causa aliud suadeat; extra ecclesiam, & sedes, seu confessionalia confessiones non audiantur, nisi in necessitatis causa tantum, & ex personarum respectu. & qui contrafecerit, in pœnas, quas dignas Episcopi existimauerint, incidat.

Caucant Confessarij ne pœnitentias pecuniarias pro peccatis infligant, præsertim illas sibi vel ecclesiæ suæ, aut monasterio applicando, aut cuiquam per ipsum nominando; sed imponant pœnitentiam ieiuniorum, orationum, peregrinationum, seu eleemosynarum per pœnitentes, inter quos maluerit dispensandarum, non quærentes quæ sua sunt, sed quæ Iesu Christi, neq; etiā signo vel verbo aliquid petant; ceteraq; omnia vitent, quæ confitentibus, aut populo, scandalo esse possint: alioquin ordinariorum iudicio pro commissi qualitate plectantur.

Confes-

Confessarij canones pœnitentiales non ignorent, vt confitentes ex eis peccatorũ grauitatem conijcere, & cognoscere possint, atq; inde facilius ad antiquam satisfactionum seueritatem, quoad fieri potest, opere, vel saltem animo se transferant: habeantq; etiam omnes casus reservatos Episcopo, & summo Pontifici, & præsertim Bullam, quæ quotannis in cœna Domini legi consuevit.

Caveant Confessarij omnino, ne verbo aut signo, aut alio quouis modo aliquatenus prodant peccatorem, sub pœnis à iure cõmuni sancitis, & alijs Episcopi arbitrio infligendis.

De Ieiunio.

SAcra Ieiunia, quæ Ecclesia indixit, qui sine legitima causa violauerit, præter eam, in quam incidit interdictis vtendo cibis, Dei offensionem, seuerè ab eo iudicandam, Ordinarij etiam arbitratu puniatur, habita contemptus, aut reiterationis ratione.

Ieiuniorum tempore, & præcipue Quadragesimæ, carnes non vendantur, nisi in loco deputato, & ijs tantum qui licentiam Medici, & Ordinarij habuerint, nec cuius absque eadem licentia illas edendi potestas sit: & extra Urbem Parochus suppleat: illis tamen conditionibus seruatis, quas Episcopi iuxta eorum conscientiam necessario apponendas iudicauerint.

Moncan-

Moneantur omnes Christifideles, vt ieiunia omnia seruent, & maxime vigilijs ab Ecclesia indictas, ac eas, quæ in ciuitatum, ac aliorum locorum patronorū honorem constitutæ sint. Ingrati enim animi est non omnia in eorum venerationem impendere, quorum patrocinijs, ac precibus infinita à Deo beneficia accipiant.

Hortantur omnes, vt laudabilem consuetudinem, vbi adest, huius prouinciæ de non edendo cascum, & oua in feria sexta, & sabbato amplectantur, & seruent, prout tenentur.

De casuum reservatione.

EPiscopi in reseruandis casibus, ad id potissimum intendere debent, vt à peccatis, quæ maxime enormia sunt, & frequenter committi solent, difficiliore impetrandæ veniæ gratia homines arceantur, & ad ea iterum perpetranda retardentur; quare eos tantum sibi reseruare studeant, quos necessarie reseruandos esse sciant: cumq; ad ædificationem nō in destructionem in subditos supra reliquos sacerdotes inferiores huiusmodi auctoritatem habeant, ne confitentes à suis Parochis absolutionem desperantes, omnino confiteri negligant, aliorum casuum Episcopaliū facultatem absoluendorum, eisdem Parochis pro eorum doctrina, & prudentia libere concedant. Neue tam Parochi, quàm Confessarij casus summo Pontifici, vel Episcopo quacumq; ratione reseruatos per incuriam absoluendi facultatem, frustra tamen, & inutiliter assumat, eos apud Paro-

Parochos, & confessarios ipsos scriptos esse procurent, & quamprimū fieri poterit, diligenter provideant, vt quando fideles cum charitate ad superiores dirigere, vel facultatem ab ipsis impetrare oporteat, clarissime noscant.

Curabunt Episcopi, vt Parochi fideles omnes sibi commissos frequentius commonere non desistant, ne confessionem, quæ Paschæ tempore fieri debet, vsque ad sanctam hebdomadam differant.

Constitutio obseruanda per Medicos.

EX carnali coniunctorum affectu, & medicorum incuria, à quibus infirmitatis discrimen febricitantibus remissius quàm debet insinuat, plerumq; fit; vt eis aut numquam animarum vocandi medici ratio inculcetur, aut cum in extrema ægritudine cōstituti sunt, necessariò suadeatur, in desperationis periculum incidunt, & absq; ecclesiasticis sacramentis depereant: quare huic malo occurrere, & animarū saluti in Domino, sine quo vana est salus hominis, consulere volentes; singulis medicis Physicis, & Chirurgicis sub pœnis in constitutione fe. re. Pij Papæ V. contentis, districte præcipiendo mandamus, quatenus cum ad infirmos eos vocari contigerit, ipsos ante omnia moneant, & inducāt, vt infra triduum, nisi morbi qualitas maiorem celeritatem desideret, animarum medicos aduocent, & sanctissimam Eucharistiam sumant, neq; tertio die eos visitent, si præmissa non adimpleuerint, aut longius tempus confessorem ex aliqua rationabili causa cōcessisse

F con-

constiterit; utque constitutio ipsa, qua alia in Cōcilio Lateranensi sub Innocētio III. super hac re edita innouatur, omnibus innotescat, eam semel in mense in Cathedralibus Ecclesijs, & ab vnoquoque Parocho publice inter Missarum solemnias legi, & publicari decernimus.

De Pœnitentiariorio.

Episcope, qui in suis Cathedralibus Ecclesijs Pœnitentiarium ex Tridentini Concilij præscripto instituere omiserunt, vbi id commodè fieri poterit, quamprimum instituant, eidemque de præbenda primo quoque tempore vacatura provideant.

De Extrema vñctione.

Extremæ vñctionis sacramentum debita cum reuerentia præstandum est, & in tuto & honesto loco & in vasculo argenteo, vel saltem stanneo iuxta facultatē Ecclesiæ asseruandū, à sacris oleis distinctum, & in pyxide eleganti forma cōfecta, velo serico superimposito ad infirmos deferendū, & ad illos præsertim inungendos accedere oportet, qui tam periculose decumbunt, ut in exitu vitæ constituti videatur: adhuc tamen, quid agant, intelligant, & sensu, quantū fieri potest, integro existant: nec alius sacerdos verba in quibus forma sacramenti consistit, quàm ipsemet vngens proferat.

Parochi persuadere studeant ægroto, ut ea fide se vngendum sacerdoti præbeat, qua olim qui ab Apostolis sanandi erant, se ipsos offerre cōsueverant, & omni studio curent, ut ante extremam vñctionem secundū perpetuam

petuam Ecclesiæ consuetudinem Pœnitentiæ, & Eucharistiæ sacramentum administretur.

Impœnitentibus vero, & his, qui cum notorij peccatores essent, vel ab Ecclesia alieni nullum pœnitentiæ signum emiserint, sacram hâc vnctionem ex sacrorum canonû dispositione negandam esse non ambigitur.

Volumus insuper, vt Episcopi omnes, & singulos suæ curæ commissos commoneant, & à Parochis commoneri faciant, illisq; mandent, ne grauitur turbent ægrotantes vel morientes, aut in mortis articulo constitutos vanis, ac sæcularibus commemorationibus, seu luctibus importunis, cû satis superq; ijs obesse possit, quod per se humani generis hostis & insidiator diabolus tunc molitur: callidissimus enim serpens nullo vnquam tempore Christifideles grauius oppugnare solet, quàm cum ex hac vita migrandum est. Quare nec morituris huiusmodi sunt tentamenta paranda, sed aduersus illa pia potius suffragia, & adiumenta ferantur.

DeOrdine.

MInores, & sacri ordines ijs tantum cõferantur, qui ea ætate, vita, sciëntia, & moribus præditi sunt, prout sacri Tridentini Concilij decreta expostulant; quæ decreta omnia Episcopi diligenter obseruent.

Non solû regulares, sed etiã sæculares clerici quamuis ab eorum ordinarijs fuerint approbati, eorumque litteras dimissorias præsentauerint, non nisi ab Episcopo ordinante examinati, & approbati ordinentur.

F 2 Epi-

Episcopus autem curet, quòd liber conficiatur, in quo omnes ordinati describantur, & adnotentur, & liber in Archiuio Episcopali conferuetur.

De Matrimonio.

IN contrahendis matrimonijs in primis Populũ instruat, vt hoc magnum Ecclesiæ Catholicæ sacramentum summa pietate, ac maxima deuotione celebrèt, deinde Episcopi obseruari faciant ea omnia, quæ à sancta Tridentina Synodo pro reformatione matrimonij statuta fuere, & præsertim vt à Parochis materna lingua bis, vel ter singulis annis in Ecclesia inter Missarum solemnina decretum de matrimonijs clandestinis diuulgetur, ac publicetur. Qui autem contra hæc omnia fecerint tam sæculares quàm regulares per tres menses suspendantur: quæ pœnæ contra sæculares etiam arbitrio Episcopi augeri possint.

Habeat Parochus librum, illumq; penes se diligenter asseruet, in quo coniugum & testium nomina & cognomina, diem, mensem, & annum, & locum cōtracti matrimonij describat.

Sponsalia per verba de futuro cōtracta mutuo consensu partium posthac non dissoluantur cū altera contrahendo, nisi prius decreto iudicis prima sponsalia soluta fuerint.

Qui contrafecerit pœnas ab Episcopis imponendas incurrat.

Episcopi quos in gradibus à iure prohibitis matrimonia contraxisse repererint, eos statim à cohabitatione se-

ne separent, & de personarum ita coniunctarum qualitatibus, si ante vel post confirmationem Concilij Tridentini, quæve contracta matrimonia fuerint processus conficiant, illosq; ad sanctissimum Dominum nostrum transmittant, vt à summo Pontifice statuendum sit quid agendum erit, si cum his dispensandum esse iudicatum fuerit, an potius aliquam pro modo culpæ, pœnam subire debeant: & si separari recusauerint, pro excommunicatis publicentur.

Declarent Parochi nuptias, vel nuptiarum solemnia ab Aduentu Domini nostri Iesu Christi, vsq; in diem Epiphaniæ, & à feria quarta Cinerum, vsque ad octauâ Paschatis inclusiue solum esse prohibita; in alijs vero temporibus posse solemniter celebrari.

De Monialibus.

Quod ad Monialium reformationem, tutelam, & curam pertinet, abunde Tridentinæ Synodi statutis, & præsertim fel. rec. Pij Quinti ac sanctissimi Domini nostri Gregorij XIII. cōstitutionibus procuratū videtur. Quare Episcopi ad effugiendam obtestationē diuini Iudicij, & interminationem maledictionis æternæ, qua maxima possunt diligētia clausuram in omnibus Monasterijs inuiolabiliter obseruari procurent, monialesq; in viam Domini omni studio, ac vigilantia dirigant, faciantq; obseruari ea omnia quæ in dictis constitutionibus sancita fuere.

Necnon vt omnes ad Regulæ normam, quam professi sunt, vitam instruant, & component: atq; in primis

mis

mis ad ea quæ ad suæ professionis perfectionem pertinent, ut obedientiæ, paupertatis & castitatis: ac si quæ sunt alia alicuius regulæ, & ordinis peculiaria vota, & præcepta ad eorum respectiue essentiam, nec non ad communem vitam & vestitum conseruandam pertinentia fideliter obseruent.

Nullus siue sæcularis, siue regularis sacerdos in monialium ecclesijs ordinarijs subiectis Missas aut alia diuina officia celebrare præsumat sine mandato, & licentia Episcopi sub pœna suspensionis à diuinis per annum, & alijs arbitrio pœnis imponendis; in ipsis porro officijs celebrandis etiam in diebus festiuis suarum ecclesiarum nec sacerdotes nec alij cantu figurato, sed plano tantum vtantur.

Sub eadem etiam pœna eisdem similiter præcipitur, & mandatur, ne Assistentes, Physicos, Chirugos, Pistores, Molendinarios, Procuratores, Fabros, Famulos, & Famulas, vel quamcumque aliam personam cuiuscumque cõditionis, status, ætatis, & sexus extiterit, in suis monasterijs admittant, nisi prius ab Ordinario approbati, & per mandatum sigillo munitum permissi fuerint, & approbati, ac licentia obtenta caueant tam moniales, quàm ipsi ne ingrediantur septa Monasterij, nisi necessitatis, & officij eorum causa: Quia si contrafecerint, & licentia abusi fuerint, incurrunt in excommunicationem reseruata summo Pontifici. ipsi quoque assistentes electi ab Episcopo approbentur, & non aliter, nisi approbati eorum exequantur officium.

Con-

Confessores septa monasterij non ingrediantur, nisi à duabus ex antiquioribus associati, & sacramenta ministrandi gratia, vel ex alia rationabili, & euidenti causa superpelliceo, & stola induti: alioquin si sine mandato, & licentia Episcopi vel superioris in scriptis obtenta, sub excommunicationis pœna ipso facto incurrenda, & alia arbitrio Episcopi. Dare autem tantum Episcopus, vel superior licentiam debet in casibus necessarijs.

Cum iubeat Sancta Synodus Tridentina ne plures recipiantur in Monasterijs, quam per redditus annuos, vel consuetarum eleemosynarum quantitatem sustentari commodè possint: Episcopi iuxta formam litterarum Sanctissimi Domini nostri Gregorij XIII. statuunt, quis numerus cuiq; monasterio conueniat, ita ut excedi non possit.

Nulla ad professionem faciendam admittatur, priusquam secum attulerit, unde commodè viuere possit.

Inconsulto, & non permittente Episcopo nulla recipiatur, aliter Præfectæ puniantur prout Episcopo videbitur.

Fenestrella ex qua moniales sanctissimam Eucharistiam suscipiunt, ea tantum de causa aperiatur, & sub pœna excommunicationis latæ sententiæ prohibeatur, ne ad illam fenestrellam cum aliqua persona cuiuscumque conditionis existant, moniales colloquantur, cuius fenestrellæ clavis per deputatum ab Episcopo conseruetur.

Fene-

Fenestrella autem vbi est colloquendum, sit cancellata, & ferrea lamina, quæ moueri non possit munita, quæ tamen sit perforata, & tela, quæ moueri non possit obducta; in ea lamina fiat fenestrella, quæ tantum parentibus monialiū aperiatur, cæteris vero nequaquam, & ijs parentibus cum licentia Episcopi.

Bizoche, quæ suscepto alicuius religionis habitu in proprijs domibus, seu parentum habitando, vitam deducunt; habitum talem deferant, quo facile à monialibus professis, & claustralibus discerni possint, ne dū extra claustra per ciuitates, & oppida conspiciuntur, moniales professas, & claustrales esse maximo cū scandalo ab aliquibus iudicentur: nec de cætero mulier aliqua sub prætextu cuiuslibet voti, seu, quod alicui ecclesiæ, vel Religioni oblata, & addicta sit, habitum monialium inconsulto Episcopo suscipiat.

*De Reformatione Græcorum, eorumq;
erroribus tollendis.*

CVM à Sancta Apostolica Sede tã Clerici, quàm Laici Græco ritu viuentes, ordinariorū visitationi, correctioni iurisdictioni, & omnimode superioritati subijciantur, eorumq; cura ordinarijs commissa fuerit; necessarium esse duximus, eos negligi non debere. Propterea Episcopi in quorum diœcesibus Græci ipsi aut vulgo Albanenses appellati, versantur & habitant, quantum in Domino possumus cōmonemus, vt eisdem per seiplos vel alios idoneos deputandos quam citius fieri poterit, visitent seu visitari curent, & mandent;

dent; ut, quæ laudabilia in eis reperiuntur, augeantur; quæ vero correctione digna sunt, iuxta cõstitutionem fel. rec. Pij Papæ IIII. super hoc editam, corrigantur; & si quæ nobiscum cõmunicanda sunt, cõmunicentur.

Inter cætera diligenter exquirant, an aliqui sint qui à veritate & à Catholica fide deuiâtes Spiritum sanctũ à Patre tantum procedere pertinaciter credant, eosque doceant processionem Spiritus sancti à Patre, & Filio: & in illos qui hoc errore persistere videantur, seuerè procedant.

Eos Purgatorij veritatem iuxta orthodoxam fidem, & Ecclesiæ Catholicæ doctrinam, ac decreta œcumenicorum generalium Conciliorum, Florentini, & Tridentini frequenter doceant, & à Parochis, alijsq; verbi Dei concionatoribus sufficienter doceri faciant.

Curent etiam ut teneant Sanctam, & Apostolicam Sedem, & Romanũ Pontificem in vniuersum orbem tenere primatum, & ipsum Pontificem Romanum successorem esse beati Petri principis Apostolorum, & verum Christi vicariũ, totiusq; Ecclesiæ caput, & omniũ Christianorum patrem, ac doctorem existere, & ipsi in beato Petro pascendi, regendi, & gubernandi vniuersalem Ecclesiã à domino nostro Iesu Christo plenam potestatem traditam esse, quemadmodum etiam in gestis œcumenicorum conciliorum, & in sacris canonibus cõtinetur, utq; sacerdotes in eorum Missis pro summo Romano Pontifice, & pro Episcopo in cuius diœcesi commorantur, orent.

Græcos ipsos de Indulgentiarum vi, & in Catholica

G Eccle-

Ecclesia vsu erudiant, & pro ipsorum ecclesijs illas impetrent, vel quas auctoritate propria concedere possunt, largiantur.

Vtque ecclesiasticas censuras illi posthac timere assuescant, opportuna remedia, vel pœnæ comminationem adhibeant, & festiuitates ab Ecclesia, & à sanctis Patribus præceptas seu ab ipsis ordinarijs promulgandas vltra illas, quas Græci ritus approbati eis iniungunt, omnino obseruari faciant. Contra non obseruantes seuerè animaduertentes, ne dum Latini in obseruatione sunt, Græci cum scandalo operibus seruilibus incumbant.

Videant etiam, an ij quibus animarum cura commissæ fuerit, doctrinam Christianam catholice maxime paruulos sedulo doceant, & infirmorum confessionibus inuigilent.

Prouideant ne sacerdotes Baptismi ministerio alio oleo sancto, alioq; Chrismate vtantur, quàm quod ab Episcopo eo anno benedictum fuerit, eosq; moneant, vt cum sacramenti Confirmationis solus Episcopus ordinarius sit minister, paruulos sacro Chrimatis oleo non in fronte consignent, sed in vertice capitis Baptismi tempore inungant, ipsum vero Baptisma, quàm primum infantibus conferre non differant.

Omnes tam Clericos quàm Laicos, qui confirmationis sacramentum non susceperint in visitatione ipsa, aut alio congruo tempore confirmandos curabunt pueros, adultos vero ieiunos, & deuote confessos.

Illos etiam doceant paruulos vsu rationis carentes
nulla

nulla obligari necessitate ad sacramentalem Eucharistiæ communionem, & in eos qui de necessitate salutis id fieri falso asserunt, iuxta sæpe memorati Tridentini Concilij decretum seuerè animaduertant.

Sacerdotes sanctissimum Eucharistiæ sacramentum pro infirmis non ita, vt hætenus immunde conficiant, miscentes corpus cum sanguine, & iterum formando buccellâ: sed illud sub panis specie cum decore, ac debita cautela asseruatum, octauo saltem quoq; die renouent, & ad infirmos honorifice deferant.

Laicos non nisi præmissa sacramentali confessione ad sacræ Eucharistiæ communionem admittant, & sub specie panis tantum.

Insuper tam ipsi quàm diaconi, subdiaconi, ceteriq; Clerici qui ad id obnoxios se esse sciunt, iuxta eorum Græcum ritum à sanctis Patribus institutum, officium singulis diebus recitare non prætermittant, sub pœnis per canonicas sanctiones constitutis ijs qui diuinum officium non dixerint, & alijs iuxta declarationem piæ memoriæ Pij Papæ Quinti super hoc editam incurrendis.

Dominicis & festis diebus omnibus sub pœna Episcoporum arbitrio imponenda, confessione præuia Missam celebrare procurent; Clerici vero, & in sacris ordinibus constituti saltem semel in mense communicent.

Altaria portatilia Episcoporum benedictione communita, & corporalia, & pallas mundas habeant.

Sed ne Latini, illi præsertim, qui simplices sunt Græ-

cis permixti in eorum ritum inducantur. Curent Episcopi ut tam Latini, quàm Græci non nisi in suis quique ecclesijs proprio ritu utentes celebrare, vel sacramentum Eucharistiæ suis ministrare præsumant.

Constitutionem fel. rec. Pij Papæ Quinti, qua facultates cōcessæ Græcis Latino, & Latinis Græco ritu Missas, & alia diuina officia celebrandi reuocantur, ab eisdem Græcis seruari mandent, & tã Græcos, quàm Latinos in suis proprijs ecclesijs iuxta vniuscuiusque morem suo muneri satisfacere condignis pœnis propositis præcipiant.

Mandent etiam ut nullus posthac ab alio, quam à suo Episcopo, vel eo impedito de licentia ipsius à catholico Antistite à sancta Romana Ecclesia gratiam & cōmunionē habente, ecclesiasticos ordines suscipiat.

Matrimonia sancte, ut decet, sine aliqua superstitione, & abusu, & non inter coniunctas personas, sed tribus in Ecclesia præcedentibus monitionibus celebrari procurent: utque ad præmissorum integram observationem facilius compellatur, & ignorantia excusationem nullatenus habeant: decreta sacri Tridentini Concilij de hac re Græco idiomate fideliter versa illis tradant, quæ si postmodum obseruare neglexerint, iuxta sacros Canones, & eiusdem Cōcilij præscriptum aduersus contra facientes seuerè procedant.

Prouideant ne Græci secundas, & tertias, ac vltiores etiã nuptias reprehendant aliquatenus, nec condēnent: sed illas inter personas, quæ alias licite adinuicē matrimonio iungi possunt, approbare compellant, dicentē

cente Apostolo: Mulier inortuo virò ab ipsius est lege soluta, & nubendi cui vult liberam habet potestatem.

Opræt etiam ipsa Synodus, Græcos presbyteros cõmonendos atque cogendos fore, vt statim post feriam quintam in cœna Domini ad Episcopũ in cuius diœcesi morantur, accedant ad deuote suscipiendũ sanctũ chrisma, oleum catechumenorum, & infirmorum.

Vascula habeãt saltem stannea, in quibus dicta olea decenter asseruent.

Infirmos oleo infirmorum, quod catholica Ecclesia ex Christi domini nostri instituto apostolica traditione didicit, & extremam vnctionẽ proprie appellat, dum in exitu vitæ constituti videntur inungant, ac etiam non petẽtibus, præsertim cum periculose ægrotant, pie & religiose conferant.

Aquam etiam benedicant singulis Dominicis diebus, eamque præ foribus ecclesiarum teneant.

Ecclesias etiam habeant mundas cum pauimentis, & vestes aliaque paramenta decentia cum cœmeterijs pro sepeliendis mortuis, sanctissimum Eucharistiæ Sacramentum, Sanctumque chrisma, oleaque sancta, fontemque baptismalem ita reuerenter, & decenter conferuent, prout in Latinorum ecclesijs statutũ est.

Postremo curent Episcopi vt à Græcis, qui in locis suis incolatum habent, quæ ab ipsis tam in baptisimi, & confirmationis, quàm in extremæ vnctionis alijsq; Ecclesiæ sacramentis administrandis præcipiuntur inuiolabiliter obseruentur, & in transgressores ipsorum arbitrio animaduertant.

SESSIO

SESSIO TERTIA

CELEBRATA DIE XIII. MEN-
SIS MAII. M D LXXIX.

*De Sacrosanctis Ecclesijs, & earum
cultu & veneratione.*



VM Dei domum deceat sanctitudo; pro-
pterea ad Ecclesiam sit humilis & deuotus
ingressus, quæta cōuersatio, & omnes de-
uotis orationibus insistant, genibusq; fle-
xis sanctissimum sacramentum adorent; ad nomen Je-
su Christi Domini nostri cum exhibitione reuerentiæ
caput inclinent, & nemini liceat dum sanctissima, &
tremēda Missæ mysteria peraguntur, verbum Dei an-
nunciatur, & horæ canonicæ recitātur, in Ecclesijs spa-
tari, & deambulare, risus, cachinnationes, & colloquia
mala, alios subinde strepitus indecenter facere, neq; eo
tempore Capitula cathedralium, aut collegiatarum
Ecclesiarum congregari.

Caveant etiam omnes, ne ita stent in Ecclesijs, vt ex
aduerso sanctissimi Corporis Christi sedeant, vt reue-
rentiæ quæ sacrosanctæ Eucharistiæ sacramento debe-
tur aliqua iniuria fiat.

Nemo ad tractanda profana negocia in illis conue-
niat, non iudicia exerceantur, non cum mulieribus su-
spectis colloquia habeantur: non conuocationes, par-
lamenta, comessationes, aut potationes fiant. Nihil in
porti-

porticis, vel vestibulis aut scalis venale exponatur.

Balistæ, sclopetæ, aut hastata arma in Ecclesijs non deferantur, nec etiam canes venatici vel aues.

Et ne clerici dum diuinis incumbunt ab aliquo impediuntur, curent episcopi vt loca clericorū vsui destinata à laicis non occupentur, sed seorsum à clericis omnino diuinis intersint: nec chorum ad psallendum institutum occupent.

Expletisque sacris à mane & à prandio, & Completorio à Janitore Ecclesia claudatur.

Qui superbe, & contumaciter supradictis parere noluerint, cuiuscumq; qualitatis, & dignitatis etiam regulares, præter pœnas in Bulla sanctissimi Pij V. sancitas, pro modo culpæ ab episcopis grauissime puniantur.

Optamus vt Ecclesia nulla sit, quæ sanctissimi Crucifixi imaginem nō habeat loco conspicuo inter altare maius, & populum, sed eo ornatorem quo Ecclesia ipsa erit insignior. In ecclesijs vero minoribus (vbi id commodè fieri non poterit) relinquitur ordinarij arbitrio.

Ecclesiæ parochiales, quæ aliqua reparatione indigent, reparentur ab his qui de iure, & consuetudine diœcesis tenentur.

Ecclesias vero non consecratas, seu non curatas ferme collapsas, Episcopi instaurandas curēt, iuxta sacrorum canonum dispositionem, & sacri Cōcilij Tridentini formam, ibidem oratoria erigendo; vel si non videbitur expedire, in alias transferant Ecclesias; vel ibi sub titulis Sanctorum, seu Sanctarum quibus antea Ecclesiæ

& ad peluim cum viceolis collocandum : habeant calices, & alia instrumenta, paramenta, & ornamenta congrua ad Missam celebrandam.

Neque vllum altare in posterum ædificetur, cui quicquam desit ex suprascriptis requisitis, ac sine licentia Episcopi in scriptis habita: & constituta altaria, si dotata sint per eorum rectores tam in temporalibus quàm in spiritualibus, Episcopi curent, ne aliquid vsurpetur; Indotata vero vel his, à quibus erecta fuerint, instaurari, ac exornari iuxta præscriptam formam, vel amoueri curent.

Vnumquodq; altare amoveatur, quod ædificatum sit ad columnam, vel pilam, vel ecclesiam vlllo modo impediatur, vel plane non respódeat, aut respondere possit formis, & regulis suprascriptis: si tamen Episcopo in actu visitationis videbitur id commode, & sine scandalo fieri posse.

Sacristia habeat vestiarium ad paraménta, & reliquia conseruanda, oratorium loco positum, quantum fieri poterit, separatum, ac disiunctum : in quo Sacerdos in solitudine se colligere, & orare possit, & ad ipsum oratorium in pariete orationes ad id proprie affixæ sint, labellum cum manutergio ad manus abluédas, & abstergédas ante, & post Missæ celebrationem, chartulá cum orationibus sacro vnicuiq; indumento accommodatis, quas attente recitet Sacerdos cum sacras ipsas vestes induit, & exuit.

Confessionalia tot habeat vnaquæq; Ecclesia etiam Regularium, quot habet Confessores, & ponantur in
H^{is} locis

locis conspicuis atque apertis, ut sint in omnium oculis collocata, & confessarius & confitens possit ab unoquoque facile conspici, sitque cum tabula interposita, quæ habeat fenestrellam cancellatam, ut poenitens audiri, sed videri non possit: In quibus confessionalibus affixi sint casus reservati tam summo Pontifici, quam Episcopo, una cum forma absolutionis.

Vas pro aqua benedicta in Ecclesia sit, non extra, & in ingressu ad unamquamque portam à dextris, non à sinistris introeuntium, marmore constet, vel petra solida, non lateritia, columnella vel alia base suffultum sit: Asperforium habeat appensum, non ex spongia, sed ex feris confectum.

Sepulchra marmore vel petra solida constructa sint duplici, vel saltem unica, ita apte utique, atque compressæ, ut inde malus odor exire nullo modo possit: alioquin humo impleantur, ad equato solo, & nullus in eo amplius sepeliatur, sepulchrorum ipsorum in posterum ædificandorum ostium longe absit ab altaris scabello ligneo vel bradella ad minus palmis quatuor. Verum Episcopi curent omni ratione, ut antiquus & probatissimus sepeliendi in cæmeterijs mos restituatur, neque sepulchra nova in Ecclesijs ædificentur absque licentia in scriptis obtenta.

Cæmeteria vero ita claudantur, ut in ea brutis impediat accessus, ac ab herbis tertio quoque mense expurgentur, & in eis arbores, aut vites non plantentur, & si adsint, extirpentur.

Episcopi prædicta omnia poenis eorum arbitrio imponen-

ponendis obseruari faciant.

Campanæ deseruire habeant ad conuocandum populum in Ecclesia, & Clerum ad annunciandum manem misericordiam Domini, & veritatem eius per noctem, & annunciandum prædicationem, ad demonstrandumque aliquem esse mortuum, ad hoc ut populus audiat, & pro eo oret, & benedicatur; ut per illarum tactum, & sonitum fideles inuicem inuitentur ad præmium, & crescat in eis deuotio fidei; fruges, mentes, & corpora seruentur, & omnes insidiæ inimici procul pellantur; procella turbinum, impetus tempestatum, & fulgurum temperentur, infestaque tonitrua, & ventorum flamina suspendantur; spiritus procellarum & aeris tempestates prosternantur, & ut hæc audientes confugiant ad sanctæ Crucis vexillum, cui omnes genuflectant. Quare principes, & magistratus etiam atque etiam hortari oportet, ut campanis, quæ Ecclesiarum vltui sunt addictæ, ad profanos vsus, & pœnarum significationem, maxime si consecratæ sint, uti non patiantur.

Tridentini Concilij hortationes, quibus vniuersis Christianis, omnibus populorum Dominis ecclesiarum defensionem, & immunitates enixe cõmendat, quam alte in Catholici Regis Philippi mente sint, quotidiana Catholicæ fidei propugnatio, ac erga ecclesiasticos viros, ac loca pia, atque religiosa veneratio, ac beneficentia locupletissime testantur. Quare nullo pacto dubitandum videtur, quin sibi ipsi constantissimus, ut semper fuit, curaturus sit, ut debitus Dei cultus, ac mi-

H 2 nistris

nistris ministeriorumque eius dispensatoribus legitimus honor exhibeatur; nec permissurus, ut eius officiales ecclesiasticam iurisdictionem, & libertatem diuinis, & humanis legibus sancitam vlla ex parte violenter impune, utpote qui obsequentissimus Ecclesie filius, summorumque Pontificum, ac omnium pontificiarum constitutionum, ac decretorum Conciliorum observantissimus semper fuit.

De Immunitate Ecclesie.

Vetustissimam Ecclesie immunitatem iure diuino, & humano pontificijs, & imperialibus constitutionibus introducta Episcopi magnopere illam seruari curent, ne super eorum regimine, & tuitione princeps prouinciarum sub tributo fiat, & praelatorum auctoritas, & iurisdictione minime euacuetur: sed potestate illam etiam & libertatem, quam Deus, summi Pontifices, Imperatores, & Reges, Ecclesie tribuerunt, & seruauerunt, liberam & integram in eadem remansisse, remanere, ac semper mansuram esse noscatur. Quod quidem eueniet, si Ecclesiarum, & Clericorum bona, ipsosque Clericos eorundemque Episcoporum familiares, tamquam Dei, & eius dilectissime sponsae ministros, a vectigalibus, & tributis, ceterisque quibuscumque muneribus, & oneribus laicis, & ad temporalium iudicum iurisdictionem, ad quae sacri Canones, & summorum Pontificum Bullae non teneri nec astringi debere precipiunt, per censuras ecclesiasticas, eorumque publicationes exemptos omnino manutenuerint.

Insuper

Insuper sacros canones, qui ad Ecclesiam confu-
gentibus securitatem concedunt, seruent, & ab omni-
bus obseruari iubeant: nec Synodus verendum esse
censuit, quin temporales principes, & magistratus, si-
cuti & fidei protectores, ita & Ecclesiarum immunita-
tum obseruantissimi semper erunt, nec deterioris con-
ditionis factum sub eis sacerdotium, aliquando esse
debere, quàm sub Pharaone, qui etsi legis diuinæ noti-
tiam non habebat, attamen totam terram Ægypti præ-
ter sacerdotum possessiones tributariam sibi fecit.

De Episcopi qualitate & dignitate.

EPiscopi ex sacri Concilij decreto admonentur, vt
se pastores non percussores esse meminerint; & ita
præesse subditis oportere, vt non in eis dominantur,
sed illos tanquàm filios, & fratres ament, elaborentq;
vt hortando, & monendo ab illicitis deterreant, ne vbi
deliquerint, debitis eos pœnis coercere cogantur. Quos
tamen, si quid pro humana fragilitate peccari contige-
rit, illa Apostoli eis est seruanda præceptio, vt illos ob-
secrent, increpent, in omni bonitate & patientia, cum
plus erga corrigendos agat beneuolentia, quàm auste-
ritas; plus exhortatio, quàm comminatio; plus charitas,
quàm potestas. Sin autem ob delicti grauitatem iur-
gio opus fuerit, tunc cum mansuetudine rigor, cū mi-
sericordia iudicium, cum lenitate seueritas adhiben-
da est, vt sine asperitate disciplina populis salutaris, ac
necessaria conseruetur; & qui correcti fuerint, emen-
dentur; aut si resipiscere noluerint, ceteri salubri in

eos animaduerſionis exemplo à vitijs deterreantur; cum ſit diligentiſ, & pij ſimul Paſtoris officium morbiſ omnium leuia primum adhibere fomenta, poſt ubi morbi grauitas ita poſtulet, ad acriora & grauiora remedia deſcendere; ſin autem ne ea quidem proficiant, illiſ ſubmouendis, ceteraſ ſaltem oueſ à contagionis periculo liberare.

Subditi vero ita Epiſcopoſ tractent, vt nullum obſequij genus erga illoſ prætermittant, quod ad eorum dignitatem tuendam pertineat; reuerentiam omnem, atque obedientiam illiſ exhibentes, ac deferentes; eorum præceptiſ & monitionibuſ obtemperent, & acquieſcant, veluti parenteſ eoſdem vereâtur & ament, illiſ non detrahant, ſed ſubditoſ ſeſe ad propriam eorum ſalutem ſemper agnoſcant.

Principeſ ac Magiſtratuſ Synoduſ hortatur, vt eoſ debita reuerentia proſequantur.

Meminerintque Epiſcopi, quòd valde populoſ ædificat, & ad religionem excitat, ſi ſæpe publice, quam ſæpiſſime priuatim, feſtiſ præſertim diebuſ, Miſſæ ſacrificium celebrent, ac diuinis interſint.

Studeantque in eorum Eccleſiaſ, vt omnia rite, atque qua decet maiestate, ac pietate peragantur.

Domesticorumque præcipuam, atque ſingularem curam habeant, & ita familiares ſuoſ inſtruant, & informant, vt ab impudicitiaſ, maledicentiiaſ, ac vitiaſ demum omnibuſ abſtineant, ſicut decet miniſtroſ miniſtrorum Dei.

Habeantque curam miſerabilium perſonarum, ſicuti

cui ad eos spectat, vt proprie pauperum patres dici possint: & in animo & cogitatione sit illis perpetuo infixum, quod de mala bonorum Ecclesie administratione grauissimum sit in die Domini iudiciu faciendum.

De Funere Episcopi.

Capitulum admonemus, eidemq; hoc munus iniungimus, vt cum primum Ecclesia vacauerit, viciniorem Episcopum, qui pium sanctorum patrum institutu iam diu intermissum reuocando statim, (si impeditus non fuerit) ad concelebrandas exequias Episcopi mortui vocatus accedat, & ea officia solemniori preestet, quae tali tempore requiruntur.

Viciniore Episcopo de Praeulis obitu ab eodem Capitulo certiores fiant, qui Missarum sacrificijs, orationum studio, alijs pijs operibus & suffragijs defuncti animam iuuare curabunt.

Anniuersarium seu Comemorationem mortui Episcopi singulis annis in Cathedrali Ecclesia, quandiu proximus eius successor in episcopatu vixerit, faciendam esse praecipimus. idem in omnibus similiter Ecclesijs Rectorum, & beneficiatorum viuents sumptibus obseruari mandamus.

Eiusdem Capituli onus erit, vt iuxta Tridentini Concilij decretum supplicationes, & preces publice priuatimq; habeantur, & per ciuitatem, & diocesim quoq; indicentur, vt clerus populusq; bonum à Deo pastorem impetrare valeat.

Forma

*Forma præscribenda examinis inquisitionis de
Episcopo promouendo ad Cathedralem Ecclesiam.*

Quoniam qui ad Cathedralis Ecclesias erit assumendus, alijsq; præest, ea natalium, ætatis, vitæ morum & scientiæ excellētia, atq; aliarum omnium qualitarum, quas sacri Canones & ipsa Tridēntina Synodus postulat fulgere, ac præditus esse debet, vt non solum præesse, sed prodesse sciat. Merito sancta Tridentina Synodus præcipit exactissimam de qualitatibus præficiendorum Cathedralibus Ecclesijs inquisitionem esse faciendam, & eius examinationis, & inquisitionis formam in Concilio Prouinciali esse præscribendam: Idcirco vt sacri Concilij Tridentini monitis obtemperet hæc Synodus infra scriptam examinis formulam pro assumendis ad Cathedralis à S. D.N. comprobendam præscribit, Videlicet:

An legitimis natalibus & ex Catholicis parentibus ortus, vbi, à quibus, & quomodo fuerit educatus: An triginta annorum sit: Quæ conuersatio, vita, & fama eius à pluribus annis fuerit: An infamia vnquam notatus, vel de aliquo crimine inquisitus, vel suspectus: An bigamus, vel apostata: An publicam pœnitentiam egerit. An sanæ mentis, timoratiq; conscientiæ, domique suæ bene præpositus. Item quam modestiam, prudentiam, sobrietatem, continentiam, & alias virtutes in suis actionibus ostenderit: A quo tempore sacris sit ordinibus initiatus, & an in eis per sex menses saltem
antea

antea sit constitutus: An sit denique eiusmodi moribus & virtutibus ornatus, ut in Ecclesia Dei non immerito præful esse possit.

Scientia præter hæc eiusmodi polleat, ut muneri sibi iniungendi necessitati possit satisfacere. Ideo inquiratur, an sit in vniuersitate studiorum magister siue doctor, aut licentiatus in sacra Theologia, vel Iure canonico merito promotus, aut publico alicuius Academiae testimonio idoneus ad alios docēdos ostendatur.

Quibus peractis ac probatis omnibus superscriptis per quinque saltem testes omni exceptione maiores ad fidei professionē admittatur, atque omnia à Notario in instrumentū publicum relata, & ab Episcopo obsignata ad summum Pontificem fideliter transmittantur.

De Dignitatibus, & Canonicis.

Cum dignitates in Ecclesijs præsertim Cathedralibus ad conseruandam, augēdamque ecclesiasticam disciplinam fuerint institutæ, ut qui eas obtinerent, pietate præcellerent, alijsque exemplo essent, atque Episcopos opera, & officio iuuarent; merito qui ad eas vocantur, tales esse debent, qui suo muneri respondere possint: quare Episcopi summopere studeant, ut ad dignitates, & canonicatus ij assumantur, qui Episcopos opera & officio iuuare valeant, & ea morum integritate, doctrina, & vitæ exemplo sint præditi, ut merito eorum cœtus, Ecclesiarum senatus dici possit.

Expedi etiam maxime, ut Cathedralis Ecclesiæ dignitates, & canonici omnes Dominicis diebus, & alijs
I quàm

quam æpissime Missas publice in dicta Ecclesia celebrent: ideo Episcopi curent, ut constituantur ex dignitatibus, & Canonicis Hebdomadarius, qui diebus Dominicis, & festis duplicibus Missam, & Vespera canat, cui octavo die alius succedat eiusdem ordinis; nec liceat eis ab hoc instituto recedere (quacumq; consuetudine etiam immemorabili non obstante) sub suspensionis atq; alijs arbitrio Episcopi pœnis infligendis; salvis tamen consuetudinibus, in quibus iidem publice, & frequentius celebrare tenentur, ac prærogatione concessa dignitatibus de celebrando Missas Episcopales Episcopo impedito. Reliqui vero Canonici, & dignitates decoro cantu Antiphonas exordiatur, quas Mansionarius, vel alius dictauerit.

Omnes statis horis semper, & attente adsint officijs, non tunc vagentur per Ecclesiam, neue à choro discedant nisi precibus absolutis, aut aliqua compulsi necessitate: ex licetia tamen generalis Vicarij, si præsens fuerit, vel eius, qui choro præest.

In choro proprijs quisque sellis confideat, concordivocē psallant, simul omnes debitis opportunitatibus assurgant, sedeant, gemitu flectant, capita detegant, & nihil alienum divinis misceant, priuatum officium non recitent, litteras non legant, non obstrepant, non colloquantur, & existant alijs qualitatibus requisitis tam à iure quàm à Concilio Tridentino ornat, ad hoc ut alij eorum exemplo ad studium, & amorem divini cultus accendantur: si aliqui vero in his offenderint, quas percepturi essent distributionibus careant, aliterq;
pro

pro culpæ grauitate corripiantur.

Omnesque dignitates, & Canonici in choro, processionibus, funeralibus, omnibusque alijs ecclesiasticis functionibus in habitu se conforment; contrafacientes vero illius diei distributionibus careant, ac etiam Episcopi arbitrio puniantur.

De Præfecto Chori seu Cantore.

Cantor, qui choro præsidet, vigilet diligenter, ne quid prætermittatur in diuini officij institutione, vel progressionem, vel in reliquis, quæ ad probatam rationem chori pertinent, & alijs quæ in diuinis officijs obeundis sunt necessaria; neue absurde, indecore vel præpostere quicquam fiat: si qui suo officio non satisfaciant, eos grauitè, & amantè obiuret. Si non resipuerint, iubeat punctatorem in libro illos describere, & ad Episcopos deferre ad hoc vt dignas pendant pœnas.

De Magistro Chori.

Succentor, seu Magister chori, qui diuinis officijs celebrandis tanquam Magister est, denunciet officium simplex, vel solemne celebrandum, quando de Dominica, de festo, vel de feria, quæ Antiphonæ, Orationes, Psalmi, Lectiones recitandæ aut cændæ, tabellam in sacristia affigendam vnà cum Cantore conficiat: in qua præscribatur, quid à singulis dignitatibus Canonicis, vel alijs Beneficiatis in

1 2 singu-

singulis horis per hebdomadam, aut etiam per plures dies recitandum, cantandumue sit, qui quo tempore, & ordine Missam celebrare, vel horas dicere, vel alia munera obire debeant. Qui autem, quod ei in tabella præscriptum fuerit in quam horam peccauerit eius distributiones amittat, si succentor deliquerit à Cantore obiurgetur, & ab Episcopo p delicti modo puniatur.

De Sacrista.

Sacrista habeat in Sacristia tres Tabellas, vnam in qua omnes Missæ, & officia pro mortuis, & reliqua descripta sint, quæ ex imposito onere, ac munere quacumq; de causa in Ecclesia celebrare oporteat; alteram in qua vniuscuiusq; dignitatis canonicatus, præbendæ, capellæ, altaris, seu alterius beneficij, & officij eius Ecclesiæ in Missis & alijs diuinis officijs obeundis debita munera contineantur; tertiam quam supradiximus à succentore conficiendam esse, & non permittat Ecclesiam defraudari debito Missarum munere, sed pro viribus curet, quòd omnes suas Missas suis statutis diebus, & horis ad altaria sua celebrent: & quæ in dictis tribus tabellis præscripta sunt munera, curet à quibus debent omnino præstentur, negligentes Episcopo, aut Vicario denunciando.

Non permittat, quòd Sacerdotes celebraturi plures duobus apparati mancant pro vice in Sacristia: sed cū opus fuerit, per se vel alium vocet celebraturum Sacerdotem, & nemini permittat, vt sacris vestibus induatur, nisi tunc cum ei Missa celebranda sit.

Item

Item caueat quòd sæpius in anno omnia linea paramenta munda fiant, calices, patenas, & corporalia cum pallis, & suis manutergijs munda, & candida teneat.

Quando celebrandum erit in aliquo altari per Clericos deputatos, ampullas præparatas, quæ ex vitro sint cum vino & aqua limpida, luminariaque portare faciat, ceteraque è Sacristia ad diuina officia necessaria præparet.

Altare maius, & alia præcipue diebus festis decen-ter ornet. Hora congrua ipse vel alius per campanæ sonum det signū Matutini, Missæ, & aliarum horarum canonicarum, salutationis Angelicæ & orationis.

Det etiam operam vt è Sacristia sermones de inani-bus, profanisq; rebus, multoq; magis iurgia, rixæ, & tur-bæ omnes arceantur. Laicos ibi versari non patiatur.

De Mansionarijs.

Mansionarij, qui sunt quasi quædam columnæ to-tum fere horarum ac diuinorum officiorum pon-dus sustinentes, munus suū accurate obeant, ac quoti-die ad omnes horas intersint; & quando oportuerit, ad Lectorile accedāt, vt Antiphonas, Respōtoria, Gra-dualia, & alia huius generis recitent, & decantent; so-lemnibus festis diebus, & quoties opus fuerit, pluuiali induant, nisi alij nominatim huic officio præfecti fue-rint. Si muneri suo defuerint, illius horæ in qua nō sa-tisfecerint, distributionibus priuentur, & alij illorum officij partem suscipiant.

Idem vt suo muneri satisfacere possint, ab his one-ribus

ribus liberentur, quibus ad chori utilitatem magistri ceremoniarum, & eius qui choro præst arbitrio, leuandi videbuntur.

Neque, quo tempore diuina officia in choro fiunt, paruam Missam celebrent, nisi necessitas postulauerit.

Ex Mansionarijs prædictis in singulas hebdomadas deligantur duo Sacerdotes: alter vero horum officium ordiatur, & perficiat consistens in medio chori, vel ad lectorile, quod ab ea parte sit ubi is fuerit: Missam etiā festis diebus semiduplicibus ac ferialibus canat, nisi alij sint ei muneri præpositi; alter psalmorum tonum instituat pro tempore, & Antiphonarum, quæ ubi legende fuerint, ab ipso tantum, vel solum ab alio legantur. Diebus vero festis in decantandis Antiphonis dignitatibus, & Canonicis, ac alijs voce præeat, & quæ cantanda, vel legenda sint ipsis indicet. Is antequam officium inchoetur, chorum ingressus libros præparet, Missam, Psalmos, Antiphonas, & alia quæ vlus requisierit, inueniat.

Mansionarij vero in suo munere contumaces, vel negligentes pro modo culpæ distributionibus carcant.

De Punctatore.

Punctator singulo quoque anno, vel iuxta consuetudinem Ecclesiæ constituatur, cui iuramentum de feratur de bene, ac legitime officium suum exercendo sub dupli, quar iurauerit, & periurij pœna.

Singulis autem punctationum librū Episcopo & Capitulo præsentare teneatur: qui si non recte se

cte se

ſe habere fuerit cognitum, cum negligentia ſuæ poenās, dupli ſcilicet, & periurij dare compellatur.

Et vt hoc officium melius exerceatur, & nemini iniuſte remitti, aut adimi poſſit, hæc Synodus ſtatuit, vt præter electum à Capitulo alter punctator ſit, qui ab Epifcopo creetur, iſq; apud eū ſupraſcripto iuramento præſtito notet omnes altero in libro, qui ſuo muneri defuerint, & ſingulis hebdomadis ambo inter ſe libros conferant; et ſi discrepauerint aliqua in re, coram Epifcopo, vel Vicario compareant, ad hoc vt tollatur omnis illorū cōtrouerſia ſine ſtrepitu, & figura iudicij.

Cetera vero hic non enumerata, quæ ad debitum in diuinis officijs regimen ſpectant, deque congrua in his canendi ſeu modulandi ratione, de certa lege conueniendi in choro, ac perſeuerandi, ſimulq; de alijs Eccleſiæ miniſtris, de quibus in præſentibus nulla fit mētio, Epifcopi duobus à Capitulo in conſilium vocatis, ex ſacri Concilij Tridentini decreto pro Eccleſiæ cuiusque qualitate ſuppleant.

De Seminario.

Statuit Synodus, vt ordinarij, vbi in eorum diœceſibus ſemina ſua creata non fuerint, quamprimum, vel ſaltem inſuam ciuitatem ſeminarium iuxta formam, & regulam à ſacroſancta Tridentina Synodo traditā erigant, creata vero manuteneant.

Quando contigerit vnionem alicuius beneficij Seminario per Epifcopū fieri, per actū publicum manu Notarij ad id rogati, & non per bullā Epifcopi tantum fiat.

SESSIO

SESSIO QVARTA

CELEBRATA DIE XVI. MAII

M D L X X I X.

*De Vita, & honestate Episcoporum,
& Clericorum.*



CVM totius familiæ Domini status & ordo nutet, si quod requiritur in corpore nō inueniatur in capite, idcirco hæc Synodus hortatur Episcopos, vt quanto ceteris dignitate præcellūt, tanto alijs inferioribus singulari vita, & sanctitate, ac morum probitate præfulgere studeant, præbeantq; se ipsos exempla bonorū operum, seq; totos ad illam vitæ rationem Domino adiuuante dirigant, quam illis Apostolus præscripsit.

Eorum sermo, vestitus, gestus, supellex, nil nisi graue moderatum, ac religione plenum præ se ferant, ita vt irreprehensibiles, sobrij, domui suæ bene præpositi ab omnibus cognosci facile possint: quod efficient, si ita mores suos omnes componant, vt reperi ab eis frugalitatis, modestiæ, continentiæ, & sanctæ humilitatis exempla petere possint: ideo non solum, modesta suppellectili ac mensa, & frugali victu contenti sint, verū etiam in reliquo vitæ genere, ac tota eorum domo caueant ne quid appareat, quod à sancto hoc instituto sit alienum, quodq; non simplicitatem, Dei zelum, ac vanitatum contemptum præferant, ac eorum actiones sint

sint cōformes decretis œcumenici Tridētini Concilij.

Cum Clerici pars Domini appellentur, ideo eos decet vitam, moresq; suos omnes componere, vt habitu, gestu, incessu, alijsq; omnibus rebus nil nisi graue, moderatum, ac religione plenum præferant, leuia etiam delicta, quę in ipsis maxima essent, effugiant, vt eorum actiones cunctis afferant venerationem.

Quæ igitur nouissime post multas summorum Pōtificum, ac sacrorum Conciliorum sanctiones Tridentina Synodus præcepta innouauit de vita, honestate, cultu, & doctrina ab eis comprobanda, & retinenda: Quæq; de luxu, comestationibus, choreis, aleę lufibus, & alijs huius generis, ac præsertim profanis negotijs euitandis, vt maxime necessaria, & eorum ordini consentanea omnino seruent, alioquin statutis ab ea pœnis, alijsq; seuerioribus, si ita Episcopis videbitur, coercantur, quarū executionē nulla appellatio suspendat.

Atque vt aliqua sigillatim exprimantur, cuncti Presbyteri diebus Dominicis, & festis solemnibus vt suo muneri satisfaciant, Missas celebrent.

Barbamque omnes è superiori labro ita tonsam gestent, vt pili in sacrificio Missæ Christi Domini Corpus & sanguinem sument nullatenus sint impedimento. *Habitu* clericalem, & coronam suo ordini congruentem Clerici etiam omnes ad quemcumque ordinem promoti, aut quodcumque beneficium Ecclesiasticum cum cura & sine obtinentes deferant; caputium quadratum, vestes tam superiores, quàm inferiores gestēt talaris simplices, & nulla vanitate notant.

K das,

das, in Ecclesijs pileis non tegantur; extra vero valetudinis, aut alia iusta causâ vti possint, sed simplicibus, neq; aculeatis, aut turbinatis; à cæteris demum huiusmodi leuitatibus se abstineant, quæ ab Ecclesiastica sunt disciplina alienæ. Ad quæ omnia Episcopi illos suspensione à ministerijs, & fructuum amissione, ac beneficiorû priuatione, prout expedire iudicauerint, omnino possint compellere.

Quicumque Clerici concubinas aut alias mulieres de quibus possit haberi suspicio in domo vel extra nō detineant, aut cum illis vllam consuetudinem habere audeant: alioquin pœnis à sacris canonibus, vel statutis Ecclesiarum impositis puniantur: quòd si à superioribus moniti nō abstinuerint, aduersus eos iuxta sacri concilij Tridentini decretum acriter procedatur.

Nemo Clericorû implicet se negotijs sæcularibus, lites coram iudice sæculari non agitet, nec sit alienorum negotiorum gestor aut curator: Tabellionatum nisi necessitatis causâ, aut mercaturam, præsertim bladorum, vini, & aliorû, quæ ad vitæ annonam spectant, non exerceat: non artem medendi faciat; non aliena prædia lucris causâ conducat; non pro alijs fide iubeat, non agriculturam, nisi pro eorum viçibus; non venationē, aut aliam turpem artē exerceat; contractus vsurarios vitet; publicis & profanis spectaculis, comœdijs, choreis non intersit; per Ciuitatem, personatus ac debaccatus non incedat; taxillis, tesseris, pagellarum lusu, aut alio quocumque ludi genere sacris canonibus improbato penitus abstineat; arma offensibilia siue
secre-

secreto siue palam non deferat, & præsertim pugiones, & sclopeta parua, quæ si qui deferre deprehensi fuerint, carceris pœnam per annum subeant; nocturno tempore sine legitima causa, & lumine non vagetur, fœdaque & scurrilia verba non proferat, & operam non det ebrietati, cauponarias seu tabernas non frequentet, nec ad eas accedat nisi necessitatis, & itineris causa.

Omnia demum generatim, quæ ad vitam, & honestatem Clericorum pertinentia à sacris canonibus & œcumenicis Concilijs, & Apostolicis sanctionibus præcepta, ac prohibita sunt, Clerici omnes diligenter obseruare, aut cauere iubentur; subituri nisi pareant omnes animaduersiones, quæ illis à sacris Canonibus impositæ sunt, & sacræ Tridentinæ synodi auctoritate innouatæ, aliasque præterea quas pro delictorum qualitate Episcopi hæctenus, vt supradictum est statuerunt, aut in posterum statuent, operas suas prout ab aliquibus in hac prouincia fieri audiuius, mercedis gratia minime locent.

De Edicto proponendo pro Parochialibus vacantibus, ac de examine promouendorum ad dictas Ecclesias.

EPiscopi cum primum Parochialem Ecclesiam vacare cognouerint, intra triduum ad Cathedralis, & vacantis Ecclesiæ ianuam edictū proponāt, & ad diem decimam conuocent, & inuitent, qui volunt exami-

K 2 nari,

nari, vel examinandos nominare, & in termino præstituto nominati, & præsentati, electi, & descripti, examini se subijciant, & per concursum magis idoneo, ac infra terminum iuxta Tridentini Concilij decretum, & Pij Quinti bullam, beneficium conferatur: Ita tamen ut ætas grauior moris, & vitæ integritas in æquali litterarum scientia præponderet, atque illi qui ex eadem diœcesi, & multo magis, qui eiusdem loci fuerint, in quo Ecclesia vacans constituta est, extraneo, ceteris paribus præferantur.

Terminus vero decem dierum ultra alios decē dies minime prorogetur ex eiusdem bullæ prohibitione.

Interrogabuntur autem examinandi de ætate, ordine, vita, moribus, & scientia: quod liquide patebit, ex interrogationibus & responsionibus eorum, quæ illis legenda proposuerint examinatores.

Examinatores eorum, qui sunt ad beneficia promouendi in diœcesanis Synodis ij eligantur, & comprobentur, qui religione, vitæ integritate, aliisque, quæ Tridentinum iubeat Concilium, virtutibus, & ornamentis ceteros antecellant: in quo non solum Cathedralis Capituli, sed aliorum etiam Clericorum, & regularium ratio habeatur. Munera autem occasione huius examinis nec ante, nec post accipiant; alioquin in pœnas à Sacrosancta Tridentina Synodo sancitas incidisse se sciant.

De Be-

De Beneficiorum Collatione.

EXpedit maxime dum Parochiales Ecclesiæ conferuntur, vt non hominum cupiditati, sed animarum salutis cōsuletur: ideo Episcopi pro ea, quam Iesu Christo debent, pietate curent, vt illos eligant, & in concursu conferant, qui sui officij onus sustinere possint, ac prompto animo subire velint: indignos autem ac præsertim qui sua suorumq; quærent, non quæ Iesu Christi, omnino reiiciant, & circa resignationes fel. rec. Pij Quinti constitutio obseruetur; meminerintque Episcopi se ex earundem litterarum dispositione excommunicationem, & suspensionem incurrere Apostolicæ Sedi reseruata, si alijs in casibus, præterquam in litteris præfatis expressis eas admiserint.

Et quia diutina vacatio Ecclesijs maxime Parochialibus non parui detrimenti esse solet: ideo Episcopi quamprimum (seruata tamen forma Concilij Tridentini, & Pij Quinti bullæ) conferant, & si opus fuerit, idoneum in ea Vicarium, simulac Ecclesiæ vacationis notitiam habuerint, cū cōgrua eius arbitrio fructuum assignatione constituent, qui onera ipsius Ecclesiæ sustineat donec de Rectore ei prouideatur.

Sciantque Patroni, & qui in beneficijs præsenrandi aut delegandi ius habent, se subicere vnà cum præsentato, & electo excommunicationis & interdicti pœnis, ac priuationis iuris patronatus, si quouis modo, & quauis causâ, vel occasione se ingerant, pacificentur, consequantur, aut quoquo modo retinere præsumant partem,

tem,etiam si vltro oblatum sit,in bonis & fructibus beneficij; & si libere illos Rectori seu beneficiato non dimittant : nec ante mortem Rectoris iuris patronatus de futura præsentatione cum patronis aliquis nec per se, nec per interpositam personam tractare possit sub excommunicationis pœna,& inhabilitatis ad obtinendum beneficia.

Episcopi præsentatum,vel ab inferiore electum nõ prius admittant aut instituunt,quàm iusiurandũ iuxta subscriptam formam ab eo exegerint, quod nil de prædictis interuenit.

Forma iuramenti.

EGO N.præsentatus ad beneficium de N. iuro ad hæc sacrosancta Dei Euangelia per me corporaliter tacta,quòd propter prædictũ beneficium obtinendum, aut præsentationem ad id habendum,aut acquirendũ, neq; ego, neq; alia persona vice ac nomine meo, nec de consensu aut scientia mea patrõno, seu alio cuique aliquid præmissorũ nomine, aut inuitu promissimus, aut dedimus. Nec quicquam eius rei gratia permutauimus,compensauimus, aut prius datum confirmauimus,apudue quemquam deposuimus, seu quicquam mutauimus, seu elocauimus priusue mutuatum, comodatum,depositum,aut elocatum, aut quocunque modo debitum remisimus seu laxauimus; nec de sanctuario,gleba,domibus,terris,prædijs tenimentis, redditibus prædictæ Ecclesiæ fructibusue,decimis, aut oblationibus eiusdem præteritis, præsentibus,aut futuris

ris donationem, remissionem, locationemue promissimus, fecimus, aut iniuimus, seu aliquis nostrū de mandato, scientia aut consensu meo promissit, fecit aut iniuit. Ita me Deus adiuuet, & hæc sancta Dei Euangelia.

Caveant Episcopi ne fiducialia beneficia fiant, neue tacite aut expresse cōuentū sit, vt ad alterius voluntatē altèr titulo renūciare teneatur; quod ad Simoniacā labem accedere tū sacris Canonibus, tū Quarti & Quinti Pij cōstitutionibus declaratū est. Qui talia autem cōmiserint, pœnas indictas in sacris cōstitutionibus prædictis contra Simoniacos, & fiduciarios incurrant.

De Parochis, & eorum officio ac ministerio.

Parochi Dominicis diebus, & festis solemnibus, ac tam frequenter, vt suo muneri satisfaciāt, Missas celebrent, & festis præsertim diebus gregem sibi cōmissum verbi Dei pabulo pascant, dilucide, ac cōpendiose sacrum Euangelium, legis præcepta, fidei rudimēta, orationem Dominicam, sacramentorum virtutes, & effectus declarent, cum à vitijs ad virtutes adhortantes. Post prandium vero conuocatis pueris & alijs rudibus in Ecclesia ad signum campanæ eisdem doctrinam Christianam doceant, sciantq; Parochi, & omnes alij, ijs, qui talia executi fuerint, Indulgentias summi Pontificis Gregorij XIII. concessas esse.

Studeantq; etiam ne eorū culpa absq; sacramentis aliquem è vita emigrare contingat: quod si euenerit (quod absit) ab officio & beneficio suspendantur, aliàs pro modo culpæ grauissime corripiantur.

Reci-

Recipiant quot annis ab eorum Episcopo, vel cathedrali Olea sancta, sanctumque Chrisma inferia quinta in Cœna Domini, nec ei qui in sacris non sit, & superpelliceo indutus, & si non sit lumina deferens, deferenda tribuantur: quæ olea sanctumque Chrisma per Parochum in Ecclesia cum clavi penes se retinenda asserventur.

Ad Ecclesiasticam sepulturam defunctum aliquem cuiuscumque conditionis, status, & sexus extiterit, Parochus non recipiat, nisi prius constiterit ipsum defunctum eo saltem anno confessum fuisse, & sacram Eucharistiam sumpsisse, vel signa contritionis tempore mortis apparuisse, sub pœna excommunicationis, & alijs arbitrio Episcopi imponendis.

Nemo Presbyterorum curatorum ab vna ad aliam Parochiam in scijs Episcopis, & sine mandato se transferant, ut in illa inseruiant, & ministrent sub pœna ordinarij arbitrio infligenda.

Nemo etiam audeat falcem in alienâ messem mittere Parochiam ingrediendo, sacramenta ministrando, ac cetera parochialia munera obeundo: sed quisque intra suos limites se contineat, & nullo modo eos transgrediatur.

Parochi omnes semper in suo munere obeûdo sint diligentes: sed tunc præsertim cum sui ægrotant, quos sæpe visitent, si eos egrotare sciuerint, etiam si minime vocati fuerint, ne eorum negligentia aliquis sine sacramentorum perceptione decedat; nec eos deserant, sed cum eis usque ad extremum vitæ assistant, orationibus,
exhor-

exhortationibus, & exéplis ad bene & Christiane moriendum infirmos iuuando.

Si aliquem Parochum tam ciuitatis, quàm diœcesis egrotare contigerit, aut ex hac vita recedere, qui ceteris illi est propinquior, & vicinior, ordinarium de illius infirmitate, & obitu quamprimum certiore faciat, aliàs Episcopi arbitrio mulctetur.

Quoniam Episcopi ubiq; esse non possunt, & plerumque accidit, quòd grauià delicta per Sacerdotes, & clericos, & alias Ecclesiasticas personas in ciuitatibus, & diœcesibus, & in locis remotis committuntur, & à superiore ignorantur: ideo ne delicta remaneant impunita, Synodus statuit, vt omnes, & singuli Rectores quamprimum sciuerint seu viderint clericum alium, ea quæ minime ordini ac gradui suo congruunt, perpetrare, & aliqua indecenter committere, in termino dierum trium vel quamprimum potuerint denunciare, notificare, & insinuare debeant, & teneantur Episcopis.

Quotiescumq; in vrbe venerint, Episcopũ adeãt, nec absq; Episcopi licentia, & benedictione à ciuitate discedant.

Parochi omnes in die Purificationis Beatæ Virginis candelas distribuant fidelibus Christianis, qui illa die in Ecclesia cõuenerint, & deuote eas percepturi accensasque in processione delaturi erunt: fiat autem distributio in ea quantitate pondere, & mensura prout laudabilis consuetudo postulat, & Episcopis videbitur.

L De

De Residentia.

Cum Pastorum residētia tam valde commendetur, & districte percipiatur, tum à sacris Pontificibus, tum à sacrorum Conciliorū constitutionibus tāquam illud vnum fundamentum, in quo spes omnis sit collocata retinendæ Ecclesiasticæ disciplinæ, nulla potest in hac re adhiberi aut opera, aut diligentia, quæ satis sit: idcirco hæc Synodus omnes Episcopos monet in Domino, ac per viscera Domini nostri hortatur, & alios inferiores omnes qui animarū curam habent, etiā eis præcipiendo requirit, vt diuinorū præceptorū memores gregi suo inuigilent, atq; assistant eo studio, ac pietate, vt nihil quod ad salutem ouīū sibi hereditarium pertinet, vllō vnquam tempore ab illis desiderari possit. Cū vero Christiana charitas, vrgens necessitas, debita obedientia ac euident Ecclesiæ vel Rei publicæ utilitas ex Episcopis aliquem abesse postulauerint, seruentur omnia, quæ super hoc à sacro Concilio Tridentino statuta sunt. De Curatis quoque inferioribus omnino prouidendum est iuxta eiusdem Concilij decreta; vt quandocumq; eos causa prius per Episcopum cognita abesse contigerit, Vicarium idoneum ab ipso Ordinario approbandum cum debita mercedis assignatione relinquunt. Discedendi autem licentia in scriptis gratisq; concedatur, qua etiā obtenta ultra bimēstre tempus, nisi ex graui causa, nemini abesse liceat.

Quod vero ad Episcopos attinet, et si non dubitet hæc Synodus eos proprii munus perperuo memores fore: tamen pro suo officio non potest non cōmemorare,

rare, quòd præter pœnas, quæ contra non residentes à concilio Tridentino cõstitutę sunt, non euadent alias sancitas in bulla Pij Quarti, & Quinti fel. rec.

Et tandem vt sacro concilio Tridentino satisfiat, decreta super residentia, quæ tam sub Paulo III. quàm sub Pio IIII. statuta fuerunt, ac bulla Papæ Pij V. quotannis publicanda decreuit in Episcopalibus cõcilijs ad hoc vt omniũ auribus mentibusq; infigi possint, & in posterum (Deo adiuuante) nulla temporũ iniuria, aut hominũ obliuione, aut desuetudine aboleantur.

De Sepulturis funeralibus, & exequijs, & eorum exactionibus cohibendis.

Sola charitatis ratio Clericos tam sæculares, quàm regulares adducere debet, vt Christifideles funeribus intersint. Quare ab omni eos decet auaritiæ corruptela, & ostentatione alienos esse. Prohibentur igitur ne exequiarum, sepulturæ, aut anniuersariorũ causã quicquam paciscant; sed piã, & laudabilem consuetudinẽ circa funeralia obseruent, ne quod valde religiosũ est, aut Ecclesia venalis fortasse, quod absit, dicatur; aut ipsi de humanis videantur mortibus gratulari, si ex eorũ cadaueribus quolibet modo studeãt quærere cõpeditũ.

Ante solis ortum, & post occasum ad sepulturã cadauer non efferatur, nisi de licentia Episcopi, aut eius Vicarij, eoq; sepulto per consanguineos familiares, & amicos defuncti sepulchrũ nullo modo quouis quæsito colore aperiatur, nec aliquid quod superstitionis habeat, intus apponatur.

L 2 Paup-

Pauperes qui sua impensa humari non possunt, gratis à Parocho sepeliantur: quoad alios vero seruetur laudabilis consuetudo.

Parochi librum habeant, in quo parochianorū suorum, qui decesserint, omnium nomina diligenter annotent: alioquin, ut Episcopo videbitur, puniantur.

Superstitiosum in plorandis mortuis abusum, qui in Prouincia nostra iamdiu diabolica fraude irrepsit, penitus abolere volentes, in sanctæ obedientiæ virtute præcipimus, ne qua mulierum præficarum, quas reputatrices appellant, audeant officio fungi in inuitandis ad ciuitatem alijs in cōsanguineorum, cognatorumq; funeribus, sed hoc nomine, & vsu à Christi Domini grege fugato ac eliminato, ita luceant posthac, ut Christianas decet fœminas, sacra dictante scriptura, Super mortuum modicum plora. & Apostolo admonente: Nolumus vos ignorare fratres de dormientibus ut nō contristemini sicut & ceteri qui spem non habent.

Cum vero ad Ecclesiam funus effertur, prohibemus ne mulieres, quæ Ecclesias ululatibus complere solebant, suos sequantur defunctos, sed domi se contineant: Quod si Parocho admonitori facere neglexerint, presbyteri omnes eū pōpa nullatenus ultra progrediatur, sed ibi relicto funere, nisi statim obsequentes, se reddiderint, continuo discedant. Nō enim decet tēpla Dei omnipotentis, quæ domus orationis vocantur, & in quibus altari diuina maiestas, ad fideiū vota cōplenda, peccataq; dimittenda, eiusmodi ululatibus compleri. Quæ omnia etiā in Ecclesijs Regularium obseruentur.

Man-

Mandatque Synodus, vt sepulto defuncto, omnes eius coniuncti quamprimum, vel saltem post decem dies; fœminæ vero post mensem ad Ecclesiam pro audiendis Missis, & alijs diuinis officijs accedere teneantur: & ad id ab Episcopis per censuras ecclesiasticas cogi possint, quauis consuetudine, quæ potius corruptela est, non obstante.

Sub eisdem censuris, & alijs pœnis Episcopi prohibeant, ne mulieres præficient, ac faciem dilanient, nec sic præficatas, & dilaniatas in Ecclesiam ingredi permittant.

De Confraternitatibus.

Episcopi incumbant, vt à Confraternitatibus, præter supradictas constitutiones, si quas habent, integre, & inuiolabiliter obseruentur, quæ tamen ab ipsis Episcopis, & approbatione, & subscriptione munitæ, & roboratæ fuerint, adeo vt diuinus cultus, atque probata ipsorum vita merito apud Dominum commendetur: quæ vero nullam regulam habet ab Episcopo eam sumant quanto citius: nouæ vero confraternitates absq; Episcopi licentia erigi vel institui non possint.

Conuiuia confraternitatis alicuius facultatibus, aut eleemosynis fieri solita nullo modo in posterum fiât, & maxime in confraternitatum Oratorijs, sub pœnis Episcopi arbitrio infligendis.

Prohibetur præterea omnibus, & singulis Gubernatoribus, Magistris, Procuratoribus, Cofratribus, & alijs quibuscumque Laicis, in huiusmodi Confraternitatibus

bus concionari, aut verba facere de rebus ad Christianam fidem, & Catholicam religionem pertinentibus, nisi prius fidei professionē emisierint, & ab Episcopis licentiam in scriptis obtinuerint. Si qui vero in prædictis deliquerint, ab Episcopis correcti etiā arbitrio ipsorum puniantur; nec confratres aliud officium, aliasque orationes, & letanias recitare possint, nisi quæ ab Ordinario reuiscæ, & approbatæ fuerint.

De Piorum locorum administratione.

Plorum locorum Ecclesiasticorū administratio Episcopi curent, vt seruata forma concilij Tridentini decretorum committatur vitis prouidis, & idoneis, qui sciant, velint, & valeant loca ipsa, bona eorum, ac iura vtiliter regere, & eorum prouentus, & redditus in personarum vsum miserabilium dispensare, & quos in vsus alios prædicta conuertere præsumptio verisimilis non existat: Monasteriorum vero monialiū, aliorum-ue locorum ad curam Episcopi spectantium administratores ab vniuersitate, seu à quocumq; electi, aut deputati eorum officium exercere non incipiant, nisi habita Episcopi confirmatione, sine qua electio, & eorū deputatio nullum sortiatur effectum.

Administratores ad instar Tutorum, & Curatorum in manibus Episcopi, vel Vicarij iuramentum præstet, ac de locorum ipsorum bonis cōficiant Inuentarium, cuius exemplum infra tempus supra statutum Ordinatio præsentent authenticum.

Admi-

Administrationis sodalitatum, hospitalium, montium pietatis, fabricæ Ecclesiarû, & piorum locorum quorumcumq; rationes exhibeantur quotannis Episcopo, vel ab eo ad id electo.

Episcopi vel deputati ab ipsis sodalitates, hospitalia, montes pietatis, fabricas Ecclesiarum, & piorum locorum quorûcumq; visitent, iuxta sacros canones, & sancti Tridentini concilij decretum.

Librum autem prædicta loca habeant, in quo distincte, & explicite descripta sint legata omnia, & onera, quæ illis imminet; cuius libri exemplum publici item Notarij auctoritate munitum deferant in Archievium Episcopale: tabella præterea sit in loco affixa, in quo solent congregari, cum iisdem oneribus, & legatis strictim adnotatis, mensium ordine servato, & rerum ipsarum genere, in quibus quidem libris, & tabella ea indices erunt addenda vel demenda, quæ aut augeri contigerit, aut minui.

Liber separatus habeatur in vnoquoque Capitulo piorum locorû, in quo libro appposito die describantur propositiones omnes, quæ in ipso Capitulo sunt, & non obtineatur, & constare facile possit omni tempore eas fuisse reiectas.

Nulla modo permittant Episcopi, vt administratores superscripti piorum locorum, procuratores eorum urbani, vel rurales, aut eorum filij, vel propinqui, vel alius, qui ex illis pender, emphyteosis locationisue nomine conducatur prædia, aut aliud quidvis, quod ad suâ administrationem, vel procuracionem perti-

pertineat; & quando bona locorum piorum locanda erunt, locentur non arbitrio administratorum, sed publice locanda proponantur, facta omnibus præter supradictos conducendi potestate; & cōductione facta, conductor det idoneum fideiussorem in solidū obligatum cum principali. Si quis autem est qui id non fecerit, statim ab ea administratione, vel procuratione amoveatur. Neque etiam permittant quid vendi, aut quovis modo alienari, nisi servatis ijs quæ à sacris canonibus requiruntur, & ex consensu, & auctoritate eorum: qui contrafecerint, Episcopi arbitrio puniantur; & quod actum est, irritum & nullum sit.

In Hospitalibus Sacerdotes non desint, qui Missam saltem festis diebus in loco infirmis ipsis accommodato celebrent, sacramenta rite, & opportune languentibus administrent, atq; infirmantibus ad mortem ad animæ salutem necessaria commemorent, & charitatis officium vsq; ad vitæ exitū in eos exerceant, illorumq; nomina, genus, & patriam diligenter adnotent. Defunctos vero ecclesiasticæ sepulturæ (sacris precibus adhibitis) piè, & religiose mandent.

Inuigilent Episcopi, commoneantq; parentes, propositis excommunicationibus atq; alijs arbitrio pœnis ne in Orphanotrophijs filios suos infantes exponant, quos ipsi alere etiā industria valent, & sciant se ad restitutionē alimentorū prorsus teneri; mandentq; confessoribus, vt prædictos non absoluant nisi satisfecerint.

Infantibus vero in ipsis Orphanotrophijs expositis nutrices dentur subsidiariæ, quæ lactent donec baptizentur.

prizentur, & alendi doceantur, & omnia alia pro corū cura ita comparentur, vt periclitandorum puerorum nulla occasio esse possit. cum vero ad eam ætatem peruenierint, quæ ad disciplinam idonea est, tam masculi quàm fœminę pro facultatibus, & opportunitate locorū & instruātur moribus, & artibus erudiantur quæcumque sexui conuenire videbunt.

De Legatis pijs.

Quoniam pijs defunctorum voluntatibus iura maxime fauent, & Episcopi omnium piarum dispositionū tam in vltima voluntate, quàm inter viuos sunt executores: ideo ne auaritia hæredum, aut impietate occulta maneat, & exequi Episcopi valeant, hæc Synodus statuit, & ordinauit, vt in qualibet curia Episcopali retineatur liber, in quo relictæ pia describātur, cum nomine notarij, testatoris legatarij, diei, anni, & testium: & vt ad cognitionem prædictorum relictorū legatorum deueniri possit, præcipitur sub pœna excommunicationis eoipso subeūda notarijs, scribisq; omnibus testamenta, atq; alias dispositiones, qualescumque sint, in quibus aliquid Ecclesijs, hospitalibus, mōtib; pietatis, atque alijs pijs locis, vel causis relictum fuerit rogatis, vt infra mensem à die quo dispositio effectum suum sortiri ac irreuocabiliter ligare incēpit, legata facta ad pias causas denūcient, eamque particulam delegatis vel relictis rebus descriptam, & auctoritate publica munitam, debita mercede accepta, Episcopis tradant, & acceptam exequi faciant, sub censuris, & pœ-

M nis

nis arbitrio eorum imponendis.

Atq; vt Ecclesijs iura sua restituatur, statuit, vt post-hac canonica portio integre & realiter persoluatur iuxta formam iuris, & sacri Tridentini cōcilij decreta.

*De Rebus Ecclesia, ac piorum locorum non
alienandis & usurpandis, ac male
alienatis & usurpatis
recuperandis.*

Ambitiosæ cupiditati hæc Synodus occurrere cupiens, prohibet omnium rerum & bonorum Ecclesiasticorum alienationem, omne pactum per quod ipsorum dominium transfertur, concessionem, hypothecam, locationem, & conductionem ultra triennium; nec non infeudationem, vel contractum inphyteoticum. Si quis vero inconsulto Romano Pontifice de bonis & rebus Ecclesiæ quicquam alienare præsumpserit, alienatio, hypotheca, concessio, locatio, conductione, & infeudatio huiusmodi nullius sit roboris, & momenti; & tam qui alienat, quàm qui alienatas res & bona prædicta receperit, sententiam excommunicationis incurrat. Declaratq; Prouinciale concilium extrauagantem, Ambitiosæ. Pauli secundi in Prouincia in vsum receptam.

Et quia vñu compertum est, alienationes bonorum Ecclesiasticorum fieri sæpe sub conditione, vt illarum confirmatio ab Apostolica sede obtineatur; interim autem possideri, non obtenta aliter confirmatione huius-

huiusmodi in graue Ecclesiarum damnum, & animarum ipsorum contrahentium præiudicium: ideo Episcopi diligenter inquirent super huiusmodi alienationibus quorumcumq; bonorum Ecclesiasticorum, etiam hospitalium; & si quas sub iam dicta conditione nondum impleta factas repperint, irritas & inanes declarent: & in eos, qui se in possessionem vel detentionem ante obtentam confirmationem intrudere aucti fuerint, & in futurum audebunt, pœnas sacris Canonibus & summorum Pontificum constitutionibus aduersus eosdem inflictas, exequi omnino studeant: mādaturq; Notarijs, quòd contractus alienationum huiusmodi absque assensu Apostolico prius obtento, etiam cum Episcopi licentia, non conficiant, sub pœna excommunicationis latæ sententiæ: nec iudices, vel testes aliter intersint sub eadem pœna, nec infra forestas seu defensas bonorum vel aliorum, Ecclesiarum bona & territoria includantur, & occupentur directe, vel indirecte, vel quocumque quæsito colore sub pœna prædicta.

Episcopi, aut eorum Vicarij Ecclesiasticorum bonorum alienationes auctoritate Apostolica cōfirmandas sedulo curent, vt diligenti inuestigatione adhibita, & in rem præsentem cunctes rite, & recte, ac mature omnia faciant, vt omnino Ecclesiæ indemnitati consulatur.

Sacri concilij Tridentini auctoritate præcipitur singulis Episcopis, vt ipsi, aut eorū Vicarij adiunctis duobus altero quidem ex Capitulo, altero ex Clero reco-

M 2 gno-

gnoscat quascumq; alienationes, & locationes bonorum Ecclesiasticorum ad lōgum tempus, etiam auctoritate Apostolica confirmatas, quę intra triginta annos confectę fuerint iudicent, & decernant, an Ecclesiarū detrimento seu contra Canonicas sanctiones, an omisso iuris ordine contractę sint: quod si ad Episcopū vel eius mensam bona locata pertineant, aut ipse, vel ipsius Vicarius, Commissarij seu executores fuerint, ad viciniorem Episcopum cum supradictis à Capitulo & Clero electis recognitio, ac iudicium eiusmodi transferatur. Si vero etiā ipsi legitime recusari poterunt, duo alij à Capitulo & Clero adiungantur, qui eam tantum causam cum illo Episcopo recognoscant, & iudicent.

De Decimis soluendis.

CUM decimarum solutio sit de iure diuino, & qui eas dare nolunt, aut dantes impediunt, res alienas inuadūt, & Ecclesias ad eam egestatem, & inopiam redigunt, vt facile debitis obsequijs & cultu destituantur: Idcirco iuxta Tridentini concilij decretum præcipitur omnibus cuiuscumq; gradus, & conditionis sint, ad quos decimarum solutio spectat, vt eas ad quas de iure tenentur, iuxta locorum consuetudinem in posterum cathedrali, vel quibuscumque alijs Ecclesijs vel personis, quibus legitime debentur, integre persoluāt: qui vero eas aut subtrahunt, aut impediunt, excommunicentur, nec nisi secuta plena restitutione absoluantur. Parochi vero in exigendis decimis negligentes ab Episcopo puniantur. Idem Parochi quolibet anno in
mensē

menſe Decembris referant Epifcopo qui decimas ſoluere recuſauerint, & decimarum exactionem laicis locare non poſſint.

Hortanturque omnes, & ſinguli pro Chriſtiana charitate, debitoq; erga paſtores ſuos munere, vt à Deo ſibi collatis Epifcopis, & Parochis, qui tenuioribus præſunt Eccleſijs, largiter ſubuenire ad Dei laudem, atque paſtorum ſuorum, qui pro eis inuigilant, dignitatem tuendam non grauentur.

Atque vt populis innotefcat quàm periculofò ſe facinore aſtringant, qui decimas abnegant; Parochis itidem ipſis præcipitur, vt ſemel ſaltem quotannis, quo tempore Epifcopi expedire cenſebunt, prout ipſis commodius fuerit, decretum ſupradicti Concilij de Decimis inter Miſſarum ſolemnia frequenti populo publice legant, ac materno ſermone interpretentur.

De Synodo diœceſana quotannis celebranda.

Synodus diœceſana quotannis ab Epifcopo celebratur, ad quam exempti, qui aliàs ceſſante exemptione intereſſe deberent, nec Capitulis generalibus ſubduntur, accedere teneantur: ratione tamen Parochialium; aut aliarum Eccleſiarum ſecularium etiam annexarum debeant ij, qui illarum curam gerunt, quicumque illi ſint, Synodo intereſſe, vt abuſus, qui in dies occurrere poſſent, tollantur, & fidei profeſſio per omnes fiat, qui eam facere tenentur iuxta decretum Tridentini concilij & bullam Pij III. ſel. rec.

Legatur

Legatur Decretum sacri Tridentini concilij de examinadoribus, scilicet. 24. cap. 18. quod incipit, Expedi. & co-
lecto, proponantur ab ipso Episcopo sex saltem examinatores, ex quibus sex qui plura suffragia habuerint, ab ipsa Synodo approbati intelligantur; electi autem in manu Episcopi, aut Vicarij iurēt quacumque postposita humana affectione munus suum fideliter se esse executuros.

In dicta Synodo eligantur deputati ad vtilia Cleri, ex his facto scrutinio qui propositi fuerint decem, qui plura habuerint suffragia intelligantur electi: sint autē duo ex Canonicis, duo ex Ecclesia cathedrali, vnus ex Parochis ciuitatis, & quinque ex Clero diœcesis electi: porro iurent in manu Episcopi, seu Vicarij de recte & fideliter exequendo munera sua, postposita omni humana affectione.

De Visitatione.

Episcopi propriā diœcesim per se ipsos, si legitime impediti non fuerint, si quotannis totam propter eius latitudinem visitare non poterunt, saltē maiorem eius partē, ita tamen, vt tota biennio per se, vel per Vicarium, vel visitatorem compleatur, visitare non prætermittat: scopus autem in visitando præcipuus sit, sanam orthodoxamq; doctrinam expulsis hæresibus inducere, bonos mores tueri, prauos corrigere, populum cohortationibus, & monitionibus ad religionē, pacē, innocentiamq; accendere; cetera prout locus, tempus, & oc-

& occasio feret ex visitantium prudentia ad fideiū fructum constituere: quę vt facilius, feliciusq; succedant, singuli ad quos visitatio spectat, monentur, vt paterna charitate Christianoq; zelo omnes amplectantur.

Capitula Cathedralium etiam visitet Episcopi, corrigant, & emendent toties quoties opus fuerit ex statuto Tridentini concilij, non obstantibus exemptionibus, consuetudinibus, sententijs, curamentis, & concordijs.

Commendata Monasteria, etiam Abbatix, Prioratus, & Pæpositarę nuncupatę, in quibus non viget regularis obseruantia, nec non Beneficia tam curata, quam non curata, secularia, & regularia, qualitercūq; commendata, etiam exempta ab Episcopis annis singulis visitentur: curentque iidem Episcopi congruentibus remedijs etiam per sequestrationem fructuum, vt quę renouatione indigent aut restauratione, reficiantur; & cura animarum, si qua illis vel eorum annexis immineat, aliaque debita obsequia exerceantur; etsi in eis viget obseruantia Regularis, prouideant Episcopi paternis admonitionibus, vt eorum Regularium superiores, eorum Regularia instituta, & debitam viuendi rationem obseruent, & obseruari faciant, & sibi subditos in officio contineant, & moderentur. Quod si sic moniti infra sex menses eos non visitauerint, nec correxerint, iidem Episcopi ex decreto Tridentini concilij eos visitent, & corrigant.

Eadem Episcopi diligentia vtantur in his etiam Ecclesijs visitandis, quę nulli diœcesi subiectę dicuntur; quod

quod tamen ius illi competit, cuius cathedralis Ecclesia propinquior esse constet; alioquin ab eo, qui semel in Concilio provinciali à Prælato illius loci electus fuerit, qui tamquam Apostolicus delegatus visitet, quibus cumq; priuilegijs non obstantibus.

Episcopi etiam visitent hospitalia, collegia, confraternitates, montes pietatis, & pia loca omnia quomodocumq; nuncupentur, etiam si locorum prædictorû cura ad laicos pertineat, atq; eadem pia loca exemptionis priuilegio sint munita, & omnia quæ ad Dei cultû aut animarum salutem seu pauperes sustentandos instituta sunt, ipsi ex officio suo iuxta sacrorum canonû instituta agnoscant, & exequantur; contumaces, & contradictores huic tam pio, ac necessario officio aut verbis; aut factis, ordinarij arbitrio puniantur, & nihilominus huic decreto parere omnibus opportunis remedijs, inuocato etiam si oportuerit sæcularis brachij auxilio, ab Episcopis cogantur.

Præcipuamque curam habeant Episcopi in visitatione de scholis, & litterarum ludis, & bonarum artium magistris, & num vitæ probitatē, integritatem, & scientiæ puritatem seruent.

An sciant Ecclesiam esse consecratam, vel benedictam, an consecrata sint altaria, & vasa, & corporalia, vestes, & id genus, reliqua sint benedicta. Hæc omnia diligenter inuestigentur, vt inde intelligatur quid desideretur in ijs, & prouideatur.

An aliquis etiã vsurpet decimas, & bona ad Ecclesiâ spectantia, & seruetur in hoc Tridentini concilij decretû.

De

De Vicarijs Foraneis.

VT autem præmissa omnia, & alia etiam inferius statuenda, & ordinanda per ordinarios, maxime in visitatione, facilius executioni mādentur, statuit hæc Synodus, vt in singulas diœceses qui magis idonei videbuntur, Vicarij foranei, vbi non adsunt, cōstituantur; quorum munus erit omni diligentia curare, vt omnia quæ præcepta sunt, & alia per Episcopos in dies præcipienda executionem sortiāntur, quætantq; de vita, & mōribus Presbyterorum, & quales se in pastoralis præbeant cura, & an in Parochijs sibi commissis omnia recte agantur; num Rectores resideant, & non residētes Episcopis denuncient: præcipue autem inquirent, an à Parochijs erga miserabiles sub sua cura personas debitum persoluatur officium, ad hoc ne quis ob vitæ incommoda decedere cogatur.

Prouideantq; ne diebus Dominicis, & festis aliquod illicitū opus fiat; & quos in aliquo delinquere prospexerint, Episcopis indicent, ac denuncient, crimina, & delicta Clericorum, vt, quod iuris fuerit, exequi possit.

De Ludi Magistris.

MAgistri scholarum, quoq; & præceptores pueros, & adolescētes suos ne dum in Grāmatica, & Rhetorica, verū etiam in his, quæ ad religionē spectant, vt sunt diuina præcepta, articuli fidei, alia similia erudiāt; diebusq; festiuis ad diuina audienda hortentur, ac impellant, legantq; in scholis Catechismū, nec scholam aperiant, nisi cū licētia ordinarij, & emissā fidei professione.

N Et

Et non solum libros Indice fel. recor. Pij Papæ III. edito nominatim vetitos, sed nec obscœna vel turpia tractantes pueris legendos, vel interpretandos proponant, sed illos, qui ab Ordinario propositi, & approbati fuerint: eosq; vehementer hortamur, vt in tam flexibili ætate, & ad malũ prona, discipulos suos bonis moribus, ac salutaribus præceptis instituant.

SESSIO QVINTA

CELEBRATA DIE XVII. MAII

M D L X X I X.

De Iudiciali foro Episcopi, & de Iudicijs.



Vm causæ omnes ad forum Ecclesiasticum quomodolibet pertinētes, iuxta sacros Canones, coram Ecclesiasticis dumtaxat iudicibus cognosci & terminari debeant: ideo Episcopi suo arbitrio poenis & celsuris afficiant omnes & singulos clericos, etiam regulares, administratores hospitalium, & aliorũ piorum locorum quorũcumq; qui in causis, vt supra vel agendo, vel excipiendo, vel aliter in iudicio & foro sæculari comparere, vel eis se subijcere præsumpserint: declarando præterea nullius esse roboris, & momēti processus, & actus quoscumq; qui tam in præmissis, quàm in omnibus alijs causis ad forum Ecclesiasticum ex decreto Tridentini concilij pertinētibus coram Iudice, & foro sæculari quacumq;

raiq.

ratione vel prætextu actitati, ac ventilati fuerint. Et ut hoc decretum inuiolabiliter obseruetur, Episcopi diligenter operam dabunt.

Episcopi in terminandis causis, quantum fieri potest, breuitati studeant, ac litigatorum artibus, seu in litis contestatione, seu alia parte iudicij differenda modis omnibus, aut termini præfixione, aut competenti alia ratione occurrant.

Appellationes non recipiantur, nec inhibitiones fiant nisi à diffinitiuâ, vel à diffinitiuâ vim habente, vel cuius grauamen per appellationem à diffinitiuâ reparari non possit. Et ne inhibitorias indebitas fieri contingat, & partes inutilibus sumptibus grauentur: ideo hæc Synodus statuit, ut adueniente calu in primis à Iudice ad quem breuiori termino præfixo, ubi probabiliter iuxta communis iuris regulas, & doctrinas, ea de causa dubitetur esse discutiendum, an appellatio sit huiusmodi, quæ ex præfato Concilij decreto reijci, vel recipi debeat, ne si quas minime deceat appellationes Iudex admisserit, vel admittendas reiecerit iusta conquirendi occasio alicui præbeatur.

Quoniam omnis sententia sine legitimo processu recte facto viribus non subsistit, statuerunt Patres antiqui, ut omnia acta iudicis exacta diligentia, & competenti ordine scribantur, & sic cōscripta partibus requiritibus tradantur: Itaque originalia penes scriptores remaneant, ut si super processu Iudicis fuerit suborta contentio, per hæc possit veritas declarari. Hæc Synodus igitur in executione sacrorum Canonum statuit,

N 2 & or-

& ordinat, vt de cætero in formandis processibus seruentur ad minus termini infra scripti, videlicet ad libellandum, excipiendum seu respondendum libello, iurandum de calumnia, articulandum, & articulari videndum, dicendum contra articulos, producendum omnia contra producta.

Notarij singuli Episcopalis Curia in omnibus causis spiritualibus, aut temporalibus, ciuilibus, aut criminalibus teneantur, & debeant omnia, & singula acta iudicij diligenti ordine conscribere, non in schedulis, sed in libris quaternatis: Schedules, quæ per partes porriguntur in iudicio, vt sunt Libelli, Responsiones, Capitula, & Positiones, postquam fuerint descriptæ, vt præmittitur, reponantur in filcijs, quas singuli Notarij singulas facere teneantur singulis annis, & ita, & taliter præmissa obseruentur, quòd nulla causa, nullaq; ratione Originalia à se dimittant. Si quis vero contra præmissa, vel præmissorum aliquid facere præsumpserit, eo ipso teneatur ad omne damnum, & interesse parti, quam ex eius lædij contigerit negligentia: quòd si causa ex officio mota fuerit, ea poena mulctetur, quæ secundum qualitatem negotij mulctandus videbitur Episcopis.

Habeantque dicti Notarij vnum registrum, super quo singulariter registrentur omnes litteræ, quæ de dicta Curia exeunt sub censuris Ecclesiasticis, & alijs Episcopi arbitrio poenis.

Et quia producuntur iura, & scripturæ authenticæ, quando pars producens intendit illa sibi restitui facere, non

te, non restituantur nisi dimissa copia auscultata cum Originali parte citata.

Et ut omnia recte procedant in formandis processibus, & scripturarum copijs faciendis, penatur in qualibet facie pagine, lineę vigintiquattuor, & in qualibet linea syllabę quindecim.

De Notarijs.

CUm ex Notariorum imperitia plurima damna, & multarum litium occasio oriatur. Episcopi Notarios quoscumq; examinent, & quos innenerint experiētia, probitate, scientia, & ætate præditos, illi eligantur, & approbentur; & qui electi, & approbati non fuerint coram aliquo Iudice ecclesiastico, siue ordinario, siue delegato, causas tractare, acta rogari, & Procuratoris officium exercere non possint; & approbati si in litibus & causis Ecclesiasticis, ac spiritualibus deliquisse reperti fuerint, iuxta sacri Tridentini concilij decretum puniantur.

Statuit etiam nullum Notarium rogari posse de contractu rerum Ecclesiasticarum ad forum Ecclesiasticum pertinentium, ut sunt decretorum interpositiones, beneficiorum renunciationes, vel ad renunciandum procuraciones, sponsalium dissolutiones, & similia, nisi ut supra approbati sint. Scripturas vero huiusmodi ab alijs Notarijs confectas, scriptas, & rogatas nullam in Ecclesiasticis iudicijs fidem facere statuit & decrevit.

Ecclesiastici fori Notarij tempore eorum admissionis iurent observare omne id quod ipsis ab hac Synodo mandatū est, ac etiā conscribere, & exemplari acta, & processus causarum ad Episcopalem curiam pertinentium, atq;
omnia

omnia pro curia gestorum instrumenta in authenticâ formâ redigere, & in Archiuio reponere, vt ibi postea perpetuo conseruentur.

Originales processus (vt dictum est) Iudicibus, Ordinarijs, Delegatis, Arbitris, aut Arbitratoribus non deferant, sed eorum tantum exempla fideliter collata; nisi alicuius inopia aliud aliquando Episcopo videatur.

Notarij ab Episcopis cogantur modis omnibus quanto citius, & ad minus intra mensem (congrua mercede accepta) in appellationum causis copiam appellanti exhibere: etsi in deferenda exhibitione fraudem fecerint, iuxta Tridentini concilij decretum puniantur.

De Archiuio.

Archiuia vbi non sunt, instituant, & instituta recte curari studeant, omnemq; diligentiam adhibeant, vt instrumenta quæcumque, atq; scripturæ alię omnes in eis contentæ, ita conseruentur, vt ea nequeat vel temeraria manus attingere, vel vlllo pacto violare.

Custos vero ab Episcopo deputetur, qui diligentissime cuncta conseruet & administret, & per inuentarium cuncta tradantur, & ex eodem inuentario restituantur.

Custodi non liceat ex Archiuio originales scripturas tradere, etiam data fide, & pignore: & si contrafecerit, ab Ordinario ex arbitrio mulctetur.

Prælato decedente, clauēs Archiuij Oeconomo, vel Vicario capituli fide publica tradantur, & penes eosdē fideliter conseruentur, quę futuro Pastori postea consignentur.

Qui-

Quicumq; Instrumenta, Scripturas, Monumenta, Iuraque omnia cuiuscumque Ecclesiæ detineant, vel usurpent, ab Episcopis certiores fiant, eos ex sacri cōcilij Tridentini decreto vti Ecclesiasticorum iuriū usurpatores excommunicationis sententiam incurrissē. Et qui Instrumenta, Scripturas, Monumēta, Iuraq; omnia cuiuscumq; Ecclesiæ detineri, & usurpari sciuerint, & non prodiderint, canonica monitione præmissa, excommunicationi subiiciantur, donec detinentes, aut usurpantes reuclaucrint, vel idonee fuerit satisfactum.

De Inuentario processuum causarum, & negotiorum quorumcumque ab Episcopis conficiendo.

CVM in Prouincia nostra fel. recor. Pij Papæ V. præcepto de cōficiendis Inuentarijs per Episcopos regni Neapolitani, & Siciliæ hætenus satisfactū non sit: Ne tam utile, tamque necessarium institutum per incuriam omittatur; Episcopos omnes commonemus, vt quilibet Inuentarium authenticum omnium, & quarumcumq; suæ Curiae querelarum, accusationum, inquisitionum, denunciationum, testificationum, instrumentorum, processuum, ceterorumq; actuum, causarum, negotiorum criminalium etiam mixtorum, quæ apud Curie suæ Notarium, siue actuariū fuerint, quam primum conficiendum curet, & iuxta memoratū præscriptum, seu bullam, quotannis in perpetuum conficiat, & dicti Notarij manu subscriptum penes se custodiat

diat donec super his iudicatum fuerit. Et si cum interim de vita decessisse contigerit, illud vniuersum sigillo suo obsignatū, fidei sacerdotis cui peccata sua confessus est (morte impendente) comittat, tuto tamē & fideliter asseruandum, ac futuro Præfuli clausum integrūq; tradendum.

De Blasphemis.

SCientes plerosq; pœnarum grauitate magis quàm Dei timore arceri solere à voluntate peccandi: propterea in Blasphemos, quam maxime (vt reatus qualitas exigit) insurgentes, eos pœnis in Bulla piæ memoriæ Pij Papæ Quinti contentis, omnino afficiendos esse præcipimus.

Sed vt huiusmodi nefandum, & impiū scelus, quod tam diuinis, quàm humanis legibus detestatum est, de medio penitus tollatur, sodalitatem Dei nominis instituendam esse decernimus, quam per Episcopos in suis vrbibus, & diœcesibus præscriptis regulis vnà cum Indulgentijs in Bulla expressis à fel. recor. Pio Papa IIII. eius rei causa edita, quamprimum fieri poterit, institui mandamus.

De Simonia.

CUm detestabile scelus Simoniacæ prauitatis tam diuinorum, quàm sacrorum Canonum auctoritas abhorreat, atque damnet: Ideo vt aboleatur, Synodus mandat inuiolabiliter obseruari constitutiones maxime Pauli secundi, & Pij Quarti, & Quinti, & quod quicumq;

cumq; crimen simoniace commisisse cōuictus fuerit in consequendis ordinibus, eo ipso sit ab illorum executione per decennium sine spe dispensationis suspensus, & per annum carceri mancipetur.

Qui dignitates Ecclesiasticas simoniace acquisierit, illis sit ipso iure priuatus, & in futurum inhabilis, & ad eas, & ad quascumq; alias obtinendas.

Qui officium, vel beneficium Ecclesiasticum simoniace adeptus fuerit, illis similiter sit ipso iure priuatus, & ad fructuum restitutionem teneatur, & perpetuo sit inhabilis ad ea, & quęcumq; alia beneficia obtinenda.

Si autem tale crimen pluries commisisse quis cōuictus fuerit, præter supradictas pœnas, etiam corporaliter puniatur, & ab ordinibus Ecclesiasticis degradatus à fidelium consortio eijciatur.

Qui vero ordines, & beneficia simoniace contulerint, pœnis à iure statutis puniantur.

Cauēat præterea quicumque, ne in sacramentorum exhibitione simoniacum aliquid faciant: alioquin per locorum ordinarios grauissime puniantur: qui huiusmodi criminis reos cum maxima seueritate coercere procurent, iuxta Tridentini concilij decreta.

Ius patronatus, vëditionis, aut alio quocumq; titulo contra Canonicas sanctiones nullo modo patroni, etiā si communitates, & collegia quicumq; existant, transferre præsumant: si secus fecerint, excommunicationis & interdicti pœnis subijciātur, & dicto iure patronatus ipso iure priuati existant. Nec aliquis huiusmodi illegitimarum alienationum particeps, aut mediator sit.

O De

De Hæreticis.

Episcope singulare ac maximū studium in eo potissimum impendere debent, ne ipsis dormientibus inimicus homo praua hæresum semina doctrinæ, ac morum corruptionē disseminare, aut inferere valeat: Ideo præ ceteris curent, ut conuentus, seu conuenticula, præsertim rudium ac suspectorum hominum, de his quæ ad fidem spectant tam publicas quàm priuatas discipationes, ac sermones, ceterasq; huiusmodi periculosas occasiones prohibeant, ac penitus tollant: dentque operam in quærendis hæreticis, ac eo nomine suspectis, ut inuentos de suo ouili constanter exterminent, parati etiam si opus fuerit, hac de causa sanguinem animamq; profunderent, quo Deo gratius, & ouibus suis salubrius in vniuerso suo munere efficere nihil possunt. Si vero negligentes aut remissi fuerint in expurgando de eorum diœcesi hæreticæ prauitatis fermento, sciant incidere in pœnas statutas in concilio Lateranensi sub Innocentio tertio, ac in alijs sacris Concilijs, & Pontificijs constitutionibus.

De Apostatis.

Quam peruersum sit hominum genus, qui suauis iugo religionis suæ, Deiq; timore postposito, respicientes retro, Apostatæ facti sunt, facile ex verbis sancti Augustini elici potest: quàm uic in Ecclesia Dei infinitis erroribus causam præstiterunt, & præstant, omnibus notum est: Ideo Episcopi aduersus eos procedât iuxta formam

formam sacrorum Canonum, ac Bullam summorum Pontificum, maxime fel. record. Pauli III. & Pij V. nec permittant eos cuiuscumq; ordinis & religionis sint, extra ordinem & religionem propriam cū habitu aut sine habitu viuentes, ac vagabundos in eisdē diocēsi- bus permanere, ac Missas, & diuina officia celebrare, vel Ecclesiastica sacramenta, aut animarū curam exer- cere; immo expellant, remittant, & puniant iuxta for- mam dictarum constitutionum, suorum Superiorum habilitatione, & licentia non obstantibus.

De Adulterio, & omni alio illicito coitu.

Monentur Episcopi, vt statuta Tridentini concilij contra concubinos tam clericos quàm laicos edita districte faciāt obseruari, ne si id omiserint, Deo, & summo Pontifici reddituri sint rationem.

Sacerdos, & alius clericus, si quis tantæ temeritatis inuentus fuerit, qui postposito Dei timore, se cum Pa- rochiana sua commiscuerit, perpetuo ab exercitio cu- ræ suspēdatur, postquam annum in carceribus corpus suum ieiunijs, & abstinentijs maceratum manserit, ē diocēsi per decennium banneatur, alijsq; pœnis arbi- trio Episcopi mulctetur.

Et quos instigante diabolo nefandum scelus ince- stus admisisse cum matre, sorore, & filia spiritali, id est, quam baptizauerint, vel in baptismo, aut cōfirmatio- ne tenuerint, vel cuius confessionem audierint, & car- naliter rem habuisse constiterit, deponantur, & benefi- cijs, si quæ habuerint, eo ipso priuati sint, atq; ad perpe-

tuam pœnitentiam agendam in vinculis coniiciantur. Pro alijs incestibus vîq; ad quartum gradum iuxta sacros canones Episcopi arbitrio puniantur.

Et cum Episcopi homines sint, & falli possint, nec hominum corda scrutari valeant, ne quod boni causa institutum est, mali sit fomes & origo: si quis eorum qui tamquam boni, & idonei ab eisdem Episcopis electi sunt, ipreto Dei honore, cum ea cuius cõfessionem audiuit, quicquam inhoneste, turpiter egerit, aut eius pudicitiam attentauerit, si nõ deuentum est ad actum, temporanea pœna iuxta sacros canones acriter puniatur: si vero ad actus turpitudinis est deuëtum, ac etiam qui peccatum in cõfessione auditum signo, aut verbo prodierit, confessionisq; sigillum fregerit, deponatur, & in arctum monasterium ad perpetuam agendam pœnitentiam detrudatur.

Qui autem virgini, aut viduę alicui honestę stuprũ violenter intulerit, beneficijs priuetur, & virginem cui vim intulerit, vt dictum est, dotare cogatur: & si beneficijs caret, amplius mulctetur arbitrio Episcopi: pellaturq; vtroq; casu à ciuitate, & diœcesi per decennium postquam in carceribus arbitrio ordinarij detentus fuerit. Si vero virginem volentem vitiauerit, eisdem pœnis afficiatur, tantum à præstatione dotis absoluator. Si vero nuptę violentiã intulerit, eo ipso beneficijs priuatus, & vinculis perpetuo alligari decernitur.

De Vsuris.

CUm omni iure diuino & humano vsuraria prauitas damnata, & detestata sit; studeat Episcopi hanc pestem

pestē animarum, ac pauperū perniciē extirpare; ac præterea in vsurarios, omnesq; qui illicitos contractus incunt, mediatores, aut rogati sunt, vel fuere, ex canonicarum sanctionum præscripto vehementer debeant animaduertere; atque vt tanti sceleris gravitas prorsus innotescat, infrascripta expresse declarare maxime his temporibus visum fuit.

Notarij qui de contractibus rogati sunt, ex cōscientia plane prospiciunt contractuum prauitatem: nihilominus id scire dissimulantes, instrumenta conficiūt, quę in eorum superficie suspitione carere videntur, cum tamen venenum latitet, sub pœna excommunicationis ipso facto incurrenda, nullo pacto contractibus, quos ipsi ex animo, & conscientia suspectos existimant, vel suspicantur stipulari præsumant, præter diuinam ultionem, quam incurrunt.

Quoniam in venditione mercium ad tempus, quæ à mercatoribus sæpe fieri solet, iniustitiæ, atq; vsuræ iniquitas latere potest: caueant omnino mercatores, ne pro temporis dilatione maiori pretio res suas distrahant, quàm valeant. Animaduertant autē, vt si ad tempus vendant, non cariores vendant, quàm secundum communem fori vsum rei pretium currat; qui sane vsum inter probos, & integros mercatores constitui solet. Quapropter nefarium, atque vsurarium decernit hæc Synodus cum pro maiori temporis prorogatione rei pretium proportionabiliter augetur.

Qui emit aut conducit minoris iusto pretio, ob anticipatam solutionem, est etiam vsurarius.

Qui

Qui triticum, aut vinum, & oleum alicuius prædij ante messem, aut vindemiam, aut sericum ante tempus minoris ob anticipatam solutionem emit, quàm collecta sunt valitura, & præcipue qui cautelam à debitorum exigunt de maiori quantitate, quàm manualiter præstant, etiam si exigeret decem pro centenario ultra sortem principalem.

Qui pecora, prædia, vel aliud emit ab eo quem non credit ea habere, & statim certa pensione ea eidem locat cum obligatione restituendi pensionem, quam ex re quæ non erat, cepit.

Qui mutuatur cum pacto ut mutuatarius ultra sortem sibi reddendam det aliquid sibi, vel alicui tertio, vel pauperibus.

Qui aliquid vendit ei, qui pecunia indigebat, cum pacto, aut voluntate principali, ut statim sibi minoris iusto pretio reuendat.

Prohibemus omnia cambia sicca tãquam vsuraria, taliaq; cambia exercentes, sententiam excommunicationis ipso facto incurrant.

*De Superstitionibus, Maleficijs, Incantationibus,
& Sortilegijs omnino tollendis.*

Superstitiosas, & vanas Populi observationes, quæcumq; sint, à subditis suis tamquam perniciosas pœnitentius tollendas curabunt Episcopi, graui pœna ex sacrorum canonum decretis proposita contra resipiscere nolentes; maleficos autem, sortilegos, lamias siue strigas

strigas, ceterosq; omnes, qui quouis magicę artis, & veneficij genere pactiones, & fœdera expressa, vel tacita cum dæmonibus faciūt, præsertim cum homicidium eorum causa secutum fuerit, vel aliquis sacramentorum abusus in maleficijs interuenerit, iuxta canonicas sanctiones acriter puniant.

De Receptionibus Bannitorum.

ET quia non sine graui animi molestia intellexit hæc Synodus, quòd nonnulli facinorosi homines, vt ad alia scelera perpetranda deuenire possint, immunitatis Ecclesiasticę clypeo abutētes, ad diuersas Ecclesias, & alia loca Ecclesiastica huius prouincię diuertunt, ibiq; in grauem Dei offensam, & plurimorū perturbationē degunt, & morantur: ideo ne vnde peccatorum est postulanda venia, ibi peccandi detur occasio; Vniuersis, & singulis Archipresbyteris, Presbyteris, & Clericis tā sæcularibus, quàm quorumcumq; etiam mendicantiū ordinum regularibus, ceterisq; personis Ecclesiasticis quacumq; etiam dignitate fulgentibus in hac prouincia consistentibus, sub pœna arbitrio Episcopi imponēda ac excommunicationis singulariter in singulos: In conuentus vero, & collegia quæcumq; in his forsitan delinquentia suspensionis à diuinis, & in ipsorum tam singularium, quàm conuentuum & collegiorum Ecclesias, monasteria; capellas interdicti Ecclesiastici pœnis inhibetur, ac præcipitur, ne de cetero publicos latrones publicarum stratarum obsessores, eos qui in Ecclesijs homicidia perpetrarunt, aliosue facinorosos homines,

homines, quibus Ecclesiarum immunitatem sacri Canonis prodesse nolunt, siue laicos, siue clericos in Ecclesijs suis, illorumq; domibus, siue alijs locis Ecclesiasticis prouinciæ prædictæ recipere, admittere, seu retinere, vel promittere eisdem securitatē publice, vel occulte quoquo modo præsumant.

De Suffocationibus.

VT autem suffocationibus in posterum provideatur, quæ passim ferme impune prætermittuntur, hortatur hæc Synodus omnes Episcopos, vt efficiant quod à rectoribus saltem singulo quoq; mense populus doceatur, eique declaretur grauitas huiusmodi culpæ, mulieribusque lac proprijs, & alijs infantibus præsentibus præcipiatur, vt nullo modo ipsos in lecto absque capsula, & tabula intermedia retineant, cōtrafacientes vero tam pœnis pecuniarijs, quàm censuris ecclesiasticis in subsidium, & etiam exilij à diœcesi vel metropoli puniri possint. Quæ pœnæ extendantur etiam ad earum maritos: quia cum sit caput mulieris vir, huius transgressionis culpam habere maxima ex parte putantur. Contra suffocatores verò supradictæ pœnæ pro modo culpæ ab Episcopis grauissime augeri possint, addita etiam condigna ac salutari pœnitentia ab ipsis tantum iniungenda, atq; interea teneantur omnes reuelare parochis mulierum, quæ pueros in lecto absq; capsula, vel tabula intermedia contra huius decreti dispositionem retinuerint, & eos qui non reuelauerint, etiam si opus fuerit, excommunicandos esse decreuit.

abhor-

De Eleemosynarum Quæstoribus.

PRaui eleemosynarum quæstores aut ministri, quorum nomen, atq; vsum Prouincialis Synodus penitus aboleri, & abrogatos esse voluit, ad officium huiusmodi exercendum de cetero non admittantur.

Importunas, atq; illiberales eleemosynarum exactio-
nes potiusquam postulationes, aliaque huiusmodi,
quæ à simoniaca labe, vel certe à turpi quæstu non
abhorrent, prohibeant Episcopi, neq; permittant, vt re-
gulares, & sæculares Sacerdotes hostiatim, & per vias
vadant, & quærant eleemosynas pro celebrandis Mis-
sis mortuorum in die omnium fidelium defunctorum
faciendo scribere, & obligare personas fere inuitas, pro
vt solitum est in hac Prouincia, easq; postea cūuenien-
do in iudicio si non soluerint.

De Pœnis.

PAstoris officium est, gregem Dominicum fidei suæ
creditum ita Deo adiuuante dirigere, vt quod ad vi-
tam æternam ducit, demonstret, & per illud conducatur,
& quod impedire, & diuinam maiestatem offendere
viderit, amouere, & è medio tollere non solumhorta-
tionibus, ac exemplis, sed etiam quando ea non pro-
derunt pœnarum metu coercere. Idcirco Episcopi stu-
deant esse tales, vt suæ curæ Pastoralis conuenit, & in de-
linquentes omnes, & singulas sententias censuras, &
pœnas contra eos, qui à recta via deuiauerint, & aliàs
deliquerint, latas proferant; nec de earum rigore quic-
quam

quam relaxent, admonētes eos, qui talia perpetrare veriti non fuerint non solum subituros eas pœnas, quæ sacris sunt canonibus constitutæ, sed etiam eas quas Episcopi arbitrij discretio pro personarum qualitate constituet.

De Excommunicatione.

Cum gladius excommunicationis neruus sit Ecclesiasticæ disciplinæ, & ad cōtinendos in officio populos valde salutaris; sobrie tamen magnaq; circūspēctione exercendus est, cum experiētia doceat, si temere, aut leuibus ex rebus incutiat, magis contemni quàm formidari, & perniciem parere, quàm salutem: idcirco Episcopi abstinēat, & seruent formam præscriptam à Tridentino concilio.

Monitiones vero, quæ ad finem reuelationis fiunt, non cōcedant nisi pro deperditarum, & subtractarum rerum restitutione, siue illarum, & illas subtrahentium reuelatione, & ad instantiam eorum dumtaxat quorū ciuilitè interest, & ab eis recepto iuramento de rebus perditis re diligenter, ac magna maturitate examinata.

Capitula rem ipsam de qua agitur, rei; valorem nominatim, & specificè expriment, nisi forte sint pro Ecclesijs, locis pijs, communitatibus, vniuersitatibus, collegijs, aut vniuersalibus successoribus, quos verisimile est certam rerum notitiam non habere; tunc quædam rerum in genere designatio fiat, quæ ostendat res ipsas non vulgares esse.

Animaduertant Episcopi quòd si eorum culpa hæc
arma

arma spiritualia contemni contigerit, nullo modo se excusari poterunt, quominus Deo rationem reddere debeant de perniciē, quæ loco salutis animarum hac de causa secuta fuerit.

De Interpretatione constitutionum Synodi.

Constitutiones ad verborum proprietatem, & ut dicitur, ad litteram intelligantur, nulla admota aut intensiua aut extensiua interpretatione, ultra quàm verba ipsa significant; nisi quòd facultatem, quam habent Episcopi ex his decretis per Vicarios generales ea exequi possint, exceptis ijs, quæ pertinet proprie ad ordinem Episcopalem, aut à concilio Tridentino, aut ab Episcopis expresse exclusi essent.

Quoniam ob varietatem locorum non potest in legum executione omnis æqualitas, aut idem modus seruari multæq; statutæ sunt pœnæ, quæ moderatione in alijs diœcesibus indigeant. Propterea possint Episcopi quascumq; pœnas in his constitutionibus expressas pro qualitate locorum ad statum suarum Ecclesiarum ut res exposcere videbitur redigere, & aptare; quos (dubitandum non est, omnia ad pietatem, & animarum salutem relatuos.

Synodus declarat & statuit, quòd quotiescumq; clerici mulctandi sunt, & pœna pecuniaria sit exigenda, locis pijs applicetur, & nihil ad Episcopum perueniat.

Et si in his constitutionibus dubitationis, aut ambiguitatis aliquid quomodocumq; exortum fuerit, Reuerendissimus Metropolitanus in sua Prouincia interpretabitur, cuius sententiam sequi omnes teneantur;

quousq; alia Synodus Prouincialis habeatur.

Prouincialis Synodus abrogat, & abrogatas esse decernit alias constitutiones præsentibus contrarias, & quomodolibet aduersantes.

Decretum Generale.

DEniq; omnia, & singula in his decretis comprehensa, & alia quæcumq; tam à sacris canonibus, quàm apostolicis ordinationibus, & à generalibus quibusq; concilijs, præsertim à sacrosancta Tridentina Synodo statuta, ac definita, siue dogmata, siue reformationem, & morum correctionem respiciant, plene, atq; integre ab omnibus cõprouincialibus Episcopis, Abbatibus, Capitulis, & alijs Ecclesiasticis personis, quæ per se, vel per eorũ idoneos Procuratores interfuerũt, aut interfesse debuerũt, ac etiam sæcularibus quibuscũq; quod ad eos attinet seruari debere decernimus, ac sub iuris, & arbitrij pœnis districte præcipiendo mādamus, saluis tamen omnibus cõstitutionibus Ecclesiarũ arctioribus, & laudabilioribus iniungentes Episcopis, vt hæc ipsa decreta post sex mensiũ spatiũ in eorum ciuitatibus, & diocesis publicari, & ab omnibus obseruari curent. Decernentes etiam omnes, & singulas admonitiones, statuta, decreta, & mādata in hac Synodo facta ordinata, & gesta, ac eorũ promulgationẽ ita omnes & singulos quos tãgit, afficere ac si personaliter & singulariter singulis ipsa notificata, & intimata fuissent; eisdẽ notificamus quod si cõtra quicquam admisierint, pœnis ac mulctis, quæ in eis cõstitutę sunt, & alijs Episcoporũ arbitrio imponendis constringentur.

FINIS.

CATALOGVS EORVM, QVÆ IN HAC
Synodo continentur.

SESSIO PRIMA.

<i>De fidei orthodoxa professione.</i>	<i>De ieiunio</i>	39
<i>pag. 3</i>	<i>De casuum reservatione</i>	40
<i>Formula orthodoxa fidei profes-</i>	<i>Consuetudo observanda per me-</i>	
<i>sionis</i>	<i>dicos</i>	41
<i>De libris exhibendis</i>	<i>De pœnitentiaro</i>	42
<i>De sacrificio Missæ</i>	<i>De extrema unctione</i>	43
<i>De reliquijs, & veneratione San-</i>	<i>De ordine</i>	43
<i>ctorum</i>	<i>De matrimonio</i>	44
<i>De festorum dierũ observatone</i>	<i>De monialibus</i>	45
	<i>De reformatione Græcorum, co-</i>	
	<i>rumq; erroribus tollendis</i>	48

<i>De calendario festorũ dierũ</i>	15
<i>Festa mobilia</i>	16
<i>De sacris imaginibus</i>	16
<i>De indulgentijs</i>	17
<i>De prædicatione verbi Dei</i>	17
<i>De præbenda theologali, & lectio-</i>	
<i>ne sacra scriptura in monasterijs</i>	23

<i>De sacris verbis nõ abutēdis</i>	24
<i>De sacris actionibus non repræ-</i>	
<i>sentandis</i>	25
<i>De processionibus</i>	25

SESSIO SECVNDA.

<i>De sacramentis, & eorum admi-</i>	
<i>nistratone</i>	26
<i>De baptismo</i>	28
<i>De confirmatione</i>	32
<i>De sanctissima Eucharistia</i>	33
<i>De Pœnitentia</i>	37

SESSIO TERTIA.

<i>De sacrosanctis Ecclesijs, & earũ</i>	
<i>cultu, & veneratione</i>	54
<i>De immunitate Ecclesiæ</i>	60
<i>De Episcopi qualitate, & digni-</i>	
<i>tate</i>	61
<i>De funere Episcopi</i>	63
<i>Forma præscribenda examinis</i>	
<i>inquisitionis de Episcopo pro-</i>	
<i>monendo ad Cathedralē Ec-</i>	
<i>clesiam</i>	64
<i>De dignitatibus, & canonicis</i>	65
<i>De præfecto chori, seu cātore</i>	67
<i>De magistro chori</i>	67
<i>De sacrista</i>	68
<i>De mansionarijs</i>	69
<i>De punctatore</i>	70
<i>De seminario</i>	71

